

欽定石渠寶笈三編

欽定石渠寶笈三編

延春閣藏 四十一

集錦書畫

明人集翰 一冊

明諸名人蘭亭題跋 一冊

長洲文氏尺牘 一冊

錢穀張復合畫水程圖 三冊

沈士充陳繼儒書畫合璧 一冊

沈士充陳繼儒書畫合璧 一冊

明人集繪 一冊

名人書畫合冊 一冊

國朝人畫山水 一冊

國朝名人畫扇面 一冊

國朝名人畫扇面 一冊

王時敏王鑑吳偉業董璫陸岱毓畫山水合

冊 一冊

王翬暉壽平合筆山水 一冊

藍深畫西湖十景嚴繩孫等詩翰合璧 一冊

趙秉冲書

御製詠白鷹詩馮寧繪圖 一冊

宋四家書

一卷  
以下卷

元人雜書 一卷

何澄畫陶潛歸去來辭張仲壽書 一卷

倪瓚黃公望合筆山水 一卷

陸居仁楊維禎書 一卷

元人合筆陶九成竹居圖詩畫 一卷

明人集翰一冊

本幅紙本二十二幅

摺裝共十六幅第七第八第十一十二十五十六

對第一幅縱七寸五分橫一尺七寸草書

孫君詩久已就稿擬欲往報謁面致之阻暑  
且冗更為滯也先此奉去便際幸轉達之蚤  
晚必期同一往耳亦幸謝之想孫公亦不求  
我於形骸之內者詩甚拙并一指定允明拜  
手敬心老弟茂異無印第二幅縱一尺橫一

尺五寸三分。行楷書。黃堂郡守岳侯明府大人。氣鍾五緯。學本六經。心徹九秋。文燄萬丈。以名進士。筮仕翰苑。視草玉堂。榮擢是任。誠莆民之大幸也。生不揣形穢。敬獻七言一律。以瀆左右。伏希電矚。幸甚。玉堂視草舊元勳。雙拜除書出帝閤。守土權分千里重。愛民公在片心存。願將袖底春秋筆。散作莆間雨露恩。祇恐吾民難借寇。台星還拱紫宸尊。治下

生莆田儒士李英玉百拜稿呈黃堂郡守岳  
侯明府大人閣下。無印。第三第四幅。縱八寸  
一分。橫一尺一分。楷書。辛巳書事七首。居庸  
碣石控胡門。玉儿由來北極尊。開道逶迤經  
海岱。天河隱見出崑崙。斗間遙識三階列。日  
下從知九軌奔。真鼎卜郊非浪事。萬年圭鬯  
保文孫。其二。秦陵松柏五雲高。再見姬康握  
赤刀。南斗龍文占王氣。中原馳道擁旌旄。委



表不亂貽謀遠。磐石相維締構牢。宏治名臣  
天慈在元功。應教舊蕭曹。其三。龜食庚庚夏  
啟光。龍顏日角映扶桑。九朝琬壁陳東序。萬  
國山河履職方。摠道翔麟傳寶錄。即看天馬  
度銀潢。軒虞落落洪鈞轉。矯首滄溟望八荒。  
其四。漢水東流夢澤開。雲蒸龍變劃爭迴。襄  
城七里翔空下。少室三花拂駕來。河伯寶圖  
森地軸。上公玉冊自中台。千秋萬歲應思沛。

帳飲歌風擬築臺。其五。明光甲仗下金雞。中  
使星輶降紫泥。三殿絲綸垂象麗。九霄日月  
覆盈低。雲扶寶鼎黃風穆。天繞璣衡舜政齊。  
更喜求賢溫語切。龍光長指釣璜谿。其六。內  
侍傳宣摠插貂。虎賁絲絡遞乘輶。爾曹肉食  
終無賴。天下軍輸半已凋。朔雪炎風歸紫極。  
銅駝金馬鬱青霄。萬年厯服超三五。努力變  
龍朔。帝堯其七。曉仗彤雲拂羽旗。大行重引

漢官儀。紫衣簪筆鈎陳肅。白虎談經刻漏遲。  
即喜春王傳正朔。似聞天樂奏咸池。南星錯  
落江沱遠。北斗瞻依藿食私。嘉靖甲申五月  
廿三日。雨中坐辛夷館。風竹蕭疎。齋無雜客。  
與劉復孺晤語。因錄舊作請政。王寵復吉書。  
鈴印一。王寵之印。第五幅。縱七寸四分。橫一  
尺一寸。楷書。林翁蔡尊師衡山文丈偕計北  
征。輶車齊發。敬呈四首。北極開黃道。南星占

少微大才元瑞世。明主正宵衣。策射麒麟榜。  
天迴日月旂。兩賢終特達。窟穴借光輝。海國  
雙明月。天山兩鳳皇。南冠誰領袖。吾道重行  
藏。觀閣徵芳草。虹蜺插劍裝。平生寸心赤。持  
此報明王。對塵青蓮社。傳杯修竹林。江山搞  
藻思。風雨動龍吟。鄴下偏雄傑。周南久滯淫。  
雲門陳古樂。清廟侍遺音。祖帳桃花水。征帆  
楓樹林。山河千里目。師友百年心。舉世誰相

假離羣自不禁。南飛有黃鵠。側翅一哀吟。門  
生王寵頓首百拜具草。鈐印一。王寵之印。第  
六幅。縱七寸六分。橫一尺四寸。草書。高居夜  
宴。得奉諸子笑談。幸亦多矣。感茲雅情。自不  
能忘。僕擬新正之初北上。父命所迫。亦欲早  
圖迎養南都。畢此願耳。元微二先生處。多  
叱名致敬。萬萬。忙迫草草。不敢率易奉書。亮  
之亮之。臘月廿五日。寰頓首事茗契兄足下。

鈴印一。張寰之印。第七幅。縱七寸四分。橫四寸九分。草書。老父為費老先生轉求詩畫於衡山先生。再得二玉先生各一首題其端。却望致意。不莊。感感。寰再拜。無印。第八幅。縱六寸。橫五寸八分。行書。崑山友人張虛江有德之士也。素善於僕。茲以擢第試宰南昌。特求大作一首。壯其行李。乞書小卷。幸甚。古寺蕭條。日對寒雲衰草。古木棲鴉。百感交集。況以

不堪之懷處之。又當何如也。致啟及茲。見無  
可為高明道者耳。翼又言。無印第九幅。縱七  
寸六分。橫一尺一寸八分。草書。鄙作一律。錄  
呈大邦伯康大人與長卿憲政教。歸口愆期。  
枉自工。塵埃羞對半輪銅。蕭條翡翠屏風冷。  
零落梅花扇影空。夢裏傷春三月錦。月中歸  
袖少年紅。可憐寂寞宮牆裏。獨自含顰護守  
宮。孟夏十又二日。契弟整頓首稿上。鈐印二。

敕之一印漫漶第十幅縱七寸六分橫一尺四分草書盛德厚情時切景仰幽居多病閉門却掃久失問候為罪邇來道復若何想涵養造詣益不可量矣茲因家姐夫郭謙甫赴監之便草草布此以伸起居之敬家姐夫舊辱門下茲行得所依歸為幸家醞一尊引遠意不具五月八日同祖頓首鈐印一飛泉道人第十一幅縱七寸五分橫五寸五分行書



明日文會甫臨。治具雖泰。敢請降重。用挹清  
光。倘使濡滯。欲稱前日之跡。恐知己不如此  
也。諸君亮察。二十九日。袞裝再拜壽承。休承  
祿之。三位英異。無印。第十二幅。縱八寸一分。  
橫七寸四分。草書。畫冊題上。昨被酒。朝來殊  
作惡。不成點畫。奈何。至午不解。李子之招。恐  
不能赴矣。面間為我謝之。千萬。姬水頓首再  
拜。復靈。公門下。無印。第十三幅。縱八

寸八分。橫一尺三寸一分。草書。屢尋授餐之  
惠。無以為報。復拜珍貺。益發面赤。僕行矣。良  
晤未期。豈勝悵慨。尊稿及百泉詩冊奉納。序  
文併集定。慧悼亡諸作。當一一寄上。請教。昨  
附鳳洲書扇。煩囑記室臨發。勿至遺失。千萬。  
餘情弗既。邑邑何如。即日。姬水頓首。復壺梁  
社長先生門下。鈐印一。幼子。第十四幅。縱八  
寸五分。橫八寸一分。草書。別久無任想仰。昨

豚兒傳道盛意垂問。感刻感刻。衡翁諸帖跋  
語錄上。不審尚及附驥否。拙書豈敢煩文水  
過硃。早晚當過停雲館書石耳。餘非面謝不  
悉。晦日。彭年頓首再拜。壺梁大元先生道契  
兄無印。第十五幅。縱八寸四分。橫七寸四分。  
行草書。陽湖宅幸一會。乃因戒酒。殊不盡歡  
也。明日羅陽老夫人之喪。知兄有舟。欲附一  
送。不審當於何處相候。愚意欲在胥門少佇。

俟畫舫過時相載。幸幸。詩軸寄上。廿九日。彭  
年頓首再拜。壺梁先生大元文侍。第十六幅。  
縱八寸五分。橫五寸。草書。經月之別。如隔年。  
載。奉拜不遇。益增悵悵。就枕得手教。又辱佳  
餉。感荷雅愛。何勤勤也。銘戢銘戢。明日當再  
和不盡。燈下。彭年頓首再拜。壺梁酉元道契。  
兄侍史。第十七幅。縱八寸六分。橫八寸二分。  
行草書。昨厚溷。感荷無任。今日足力憊甚。本

不能出門。但因羅陽公之召。且昨承面約。不敢輕背。不審執事何時發步。質山何處相會。若在宅偕行。得尋葉舟載去。夜歸亦便。或同到質山宅。偕之出胥門。亦甚便也。惟示及以爲進止。即刻彭年頓首再拜。壺梁先生世契兄文侍。第十八幅。縱八寸。橫一尺四寸五分。行草書。日承遠顧。不能具樽酒爲歡。抱歉無已。如何。如何。高陽丈何日行。吾兄曾送贐否。

俱望示及。馳上素冊。乃壺梁託求大筆作白  
嶽圖一葉。以贈何巡江者。乞旦晚捐數刻工  
應之。何公好文之甚。必能鑒賞妙染也。至懇  
至懇。尊卷一二日間題上。不盡不盡。彭年頓  
首再拜。磬室先生道契兄。無印。第十九幅。縱  
八寸一分。橫九寸四分。行書。原付來太平御  
覽七冊。已校過矣。惟說邪無暇看。不曾改正。  
如何如何。若說邪不要抄。幸再發來。日下稍

閒。當與校之何如。冊葉寫去。鄙詩兼望評教。  
彭年頓首拜。曲泉先生吟几。無印。第二十幅。  
縱七寸四分。橫七寸五分。草書。談口口慰。大  
醉後不知何故。遂出醜。幸吾兄在口。能為我  
掩閉之也。目下諸友欲治一舟。屈執事者山  
行。亦為萬生之故。期定。却奉東來耳。令姊丈  
處。為我請罪。萬萬。濟頓首。七芝先生契兄尊  
堂夫人華誕。失禮多罪。幸不怪。旦晚作一小

圖補拜於階下以贖萬罪。不知以為如何。濟  
再拜。無印。第二十一幅。縱七寸三分。橫八寸  
四分。草書。連日失問。安。歎歎。翰墨精神。豈有  
大患。可喜。可喜。前日為荒隴被毛蟲傷樹。種  
類生生無窮。人力無如之何。不得已將禱於  
神。故戒葷酒數日。至朔日焚香。又齋三日。初  
四日方茹葷飲酒。豈敢欺兄。憐兄之意。雖有  
豈在此哉。扇即寫附去。有客在坐。草甚草甚。



七日。鑒頓首。第二十二幅。縱九寸。橫一尺五寸七分。草書。石湖蘭漿坐中流。露冷蒹葭澹碧秋。水月平分祇樹苑。峰霞倒映荻花洲。親人鏡裏看魚鳥。汎客槎邊問斗牛。是處恩波偏淡蕩。閒身長作御風游。右石湖秋汎一首。長虹跨渚綠堤平。春水桃花錦浪生。浣女新妝波底見。遊人小隊鏡中行。帆檣影落孤飛鷁。絃管聲調百轉鶯。自是湖山饒暮景。白頭

吟望不勝情。右行春橋一首。時行書。鈐印三。  
瑤泉大學士印。崇綸堂。

鑒藏寶璽

全五璽寶笈三編。

收傳印記。舜昂。蕉林鑒定。恒山梁清標玉立  
氏圖書。

謹案李英玉。自署莆田儒士。今興化府未載。  
所稱即守岳侯。即岳正。字季方。鄞縣人。正德  
戊辰賜進士第三。歷官左贊善。謚文肅。嘗任  
興化知府。明史有傳。劉復孺。名樺孫。號七芝。  
居士。吳縣人。林翁蔡尊師。即林屋蔡明。事  
姓名未詳。書畫彙考有陸叔平為事茗寫真。

國。蓋陸治同時人。張寨之父名安甫。字汝。宏治庚戌進士。歷官祁州。知州。翼不署姓。疑即素翼。字飛卿。吳縣人。正德丙子舉人。優游林下六十餘年而卒。崑山張虛江當是張憲臣。字欽伯。嘉靖己未進士。授南昌知縣。後至雲南按察使。靈壙。張鳳翼號。壺梁。張獻翼號。陽湖。王庭號。庭。字直夫。嘉靖癸未進士。歷官江西參議。羅陽。劉鳳號。鳳。字子威。長洲人。嘉靖甲辰進士。歷官河南。命事百泉。皇甫汈號。鳳洲。王世貞號。幼子。乃獻翼字。印鈴。姬水。札後未詳。文水。又嘉號。高陽。許初號。質山。黃姬水號。登室。錢叔號。齊不署姓。疑即顧濟。字舟。此冊自王寵以下皆蘇人。先後並同時也。中

明諸名人蘭亭題跋一冊

本幅雜色紙本三十二對幅

內第三十二  
右幅絹本第

一二對幅皆縱七寸九分通橫一尺三寸二分  
分行書。余所見定武蘭亭。前後亡慮數本。而  
致佳者五。其一在潘方伯允端所。後有趙松  
雪十五跋。而實非獨孤長老本。蓋時有吳氏  
子見獨孤本。而乞吳興二字點出書之者。最  
後一跋可驗。其二在余所。為松雪執友陳直

齋物。蓋松雪從人乞直齋藏本不得。而陳氏  
之後人用以併裝於尾者。其三在家弟所。亦  
大有元人題跋。其四乃賈秋壑為制置使時  
得之前輩劉菊莊祕監者。不知在百二十卷  
中。作何旁何字甲乙。紙墨差更明潤。聞今在項  
元汴所。其五當為今詹博士所藏。後獨無舊  
題識。又苦裝潢人去其石竄跡。然第六行之  
稍濶。與他針眼丁形蟹爪之類。則了了可辨。

識者以為五字損本無疑也。雖然。仲子精八法。故當得其連城夜光於楚工眼表。必待此而後辨。亦淺矣。弇山人王世貞於別九友後題鈴印二元美。五湖長。第三四對幅皆縱七寸五分。通橫一尺三寸六分。行書。余所見定武有名真本。其損處及字畫飛動。多與此本同。而搨久模糊。反似不相及。豈此搨更前。而彼特以題款勝耶。詹廣文東圖書畫翩翩。且

有趙子固之癖。守此無異拱壁。而文休承黎  
唯敬。皆一時博雅士。盛為之目。竟復何減昔  
賢題後耶。余以關中之役。離豫章。病卧進賢。  
一日廣文飛騎致此卷。來言曰。必先生者能  
為定武重。因強起題之。題竟笑曰。更為廣文  
生地足矣。萬厯庚辰秋九月廿日。吳郡王世  
懋書於進賢公署。鈐印二。損齋道人。敬美甫。  
第五對幅。縱七寸七分。通橫五寸六分。行書。

陳子訪白嶽還。憩穉恭之捫素軒。得覩此卷。右軍筆墨風流。千載可挹。是日雲癡雨結。賴此啟余霽懷。宗禎庚午長至前五日。陳子鼎識。鈐印三。子鼎馬上吟詠第六七對幅。皆縱八寸。通橫九寸六分。草書。余未能徧觀古法帖。此本不知其為何年搨。而筆意遒勁。自余所見。它本不能及。即所見他本。今人亦莫能及。余以為觀者得其意。無論善本不善本也。



東圖工書自好。當能辨之。然是帖則諸君考  
之詳矣。廣陵人顧養謙。鈐印二。顧養謙。孟卿  
父。第七幅第八對幅。九右幅。皆縱七寸九分。  
通橫九寸六分。草書。此本勁逸和適。紙墨精  
麗。其為定武稊帖無疑。東圖購諸金陵市中。  
僅當廉估。他好事益以三百千。掉頭不顧也。  
曰嗟乎。鳳固貧。即炊烟未絕。能以性命博黃  
金哉。東圖其善有之。遇柳家奴織藤不飭。則

此卷或亦作銀牋羽化耳。濟南邢侗漫識鈐  
印二。邢侗之印。直指使者。第九左幅縱同前。  
橫三寸二分。行書。詹東圖吏部示余定武稷  
帖。即唐昭陵所藏真蹟。當亦不是過也。天地  
間珍秘之物。何意風塵中見之。時當秋霽。案  
頭爽氣可食。頓覺精神飛動。非生平大快哉。  
因識之。盱眙李言恭鈐印三。惟寅父臨淮侯  
印。青宮太保。第十對幅縱七寸四分。通橫六

寸二分。行書。蘭亭帖論之者如聚訟。跋之者  
又如竊語。皆為未經摹寫數百通。未見右軍  
筆意。俱元處耳。詹東圖藏此。其真妙。文仲子  
洎二王公跋。跋字旁注已畧盡矣。余不知書而實

好之。故得多見此帖。若此帖殆眼中第一本  
哉。萬曆十一年十月廿五日。東圖携過。余為  
識此。東圖尚須以性命同寶護。莫貽子固地  
下妬也。周天球鈐印二。周公瑕氏止園居士。

第十一對幅。縱七寸六分。通橫五寸二分。行  
草書。唐昭陵購右軍真蹟。至三千六百餘紙。  
所寶者唯蘭亭。趙承旨生六十四年。行幾萬  
里。見蘭亭佳本才二三。誠為古今所奇重。余  
斲繫一隅。乃從詹仲子許。縱觀佳本連日夕。  
豈非有天幸者。因題數語以識歲月。豫章朱  
多燝。鈐印二。朱宗良氏。夏玉軒。第十一左幅  
尾。第十二對幅。第十三右幅。縱同前。通橫一

尺六分行書。郭山人及王元美長公所見三  
四本。皆余平生所賞鑒題識者也。又見余外  
大父副憲公所藏本。似在潘方伯本上。又嘗  
得雲間沈氏本。可稱第一。而無舊人跋。與此  
本可伯仲間耳。蓋觀古人墨搨。以墨搨重。不  
以跋重。重帖肯目。重跋貴耳。有識者能辨之  
矣。詹先生出此帖。見示余於長安風塵中。字中  
法秀摩挲良久。覺神氣爽然。讀君之題。已似為

贊筆。余何敢復云。第記所見。為東圖丈一質  
之也。時丙戌仲春廿九日。友人莫雲卿鈐印  
二。莫廷韓氏。莫雲卿印。第十三左幅。第十四  
右幅。縱同前。通橫六寸二分。行書。坐詹東圖  
齋中。第一展此帖。輒題後置去。數日後復携  
見。示遂得締觀久之。其五字損處。與前人評  
識合若符券。而歐陽率更筆意風骨。宛然獨  
存。真天下法書中之至寶也。紙墨搨法。亦與

別本與東圖其善藏之。莫雲卿再題鈐印二。  
雲卿莫廷韓氏第十四左幅縱同前橫三寸  
一分行書。余所見稊帖米海嶽品為第一。云  
所見祇三本。今藏顧汝和處。趙松雪所品者  
後有十六跋。今藏潘仲履處。俱黃麻紙。然墨  
蠟皆不及此。信是宋拓。雖五字損本亦何憾。  
耶。淮陰舟中敬覽。東圖其實玩之。五游道人  
郭第記。鈐印一。郭第之印。第十五右幅縱七

寸九分。橫三寸三分。行書。萬曆乙酉。楔日。從  
東圖。詹年兄。借觀于長安邸之來。明。韓古吳  
韓世能敬識。鈐印二。見古人。玉堂載筆。第十  
五左幅。第十六對幅。縱同前。通橫九寸九分。  
行書。予謬學書。書實不辨。世傳五字損本。好  
事者。遂模倣其損字而涸之。東圖竭一生神  
智於此道。其於楔帖。以手為眼。不在五字損  
不損別真贋也。予蓋以耳為眼。而漫識觀之。



歲月云。萬厯癸巳陽月之三日。祝世祿書於海陽公署。鈐印三世祿無功父石林。第十七對幅第十八右幅縱七寸五分。通橫九寸六分。楷書。蘭亭帖。世以定武本為第一。不佞自少愛之。家大人有復州本。後金陵老僧惠余清涼本。未有如此卷之佳者也。世傳五字損本。為湍流帶右天五字有損也。茲卷豈其真耶。夫右軍永和之會。興樂而書。道媚勁健。謂

有神助。醒後連日再書數十紙。終不能及右  
軍自珍之矣。况後世乎。唐太宗酷好二王書。  
謂右軍自喜者蘭亭耳。遣御史蕭翼探之。而  
辨才寶此。過於頭目。品者百家。名曰聚訟。趙  
承旨十三跋。尚未敢據。况今日乎。東圖書法  
為昭代第一。不佞昨修上已會。請東圖入會。  
未赴。今覽東圖茲卷前。有以不佞詩序比右  
軍。如方右軍于金谷園者。乃書法愧甚矣。寶

劔烈士。紅粉佳人。東園宜寶此矣。萬曆辛卯  
夏日。五岳山人沔陽陳文燭題。鈐印一。玉叔。  
第十八左幅。縱同前。橫三寸二分。篆書。萬曆  
己卯二月一日。汪道貫觀。鈐印二。汪道貫印。  
汪中淹氏楷書。萬曆辛巳孟秋七月廿七日。  
訪詹東園寓館。偶出此帖相示。披玩再周。頓  
覺神情俱快。輒書數語識之。嶺南梁岳鈐印  
一。岳。第十九右幅。縱七寸八分。橫三寸一分。

行書。萬曆丁亥三月二日。客留都之秦淮水  
上。詹東圖太史。携來得一縱觀。此平生快事  
也。角句東沈明臣。鈐印二。嘉則。沈明臣印。第  
十九左幅。縱橫同前。行書。余負疾匿海陽。高  
卧任公子釣所。詹博士出昭陵本。作廣陵濤。  
余不工書。蓋翩翩有起色矣。千秋里人汪道  
昆。鈐印一。汪伯玉氏。第二十對幅。縱七寸五  
分。通橫六寸。行書。蘭亭帖。售於世者。毋慮數

十種率去右軍筆意遠甚。余嘗得一帖於潘正叔氏。絕勝他本。殊愛重之。及今見詹廣文家藏。道勁流動。殆榮光燭天。昭陵之遺蹟耶。始自魏為遼東豕矣。廣文文翰一時絕唱。蓄此為不虛。雲間喬懋敬觀。鈐印二懋敬竹林賢。第二十一對幅。縱七寸九分。通橫六寸二分。行書。曾見宋高廟有賜王尚書佐一札云。連日閱蘭亭帖幾十本。惟此本為佳。特以賜。

卿余及見其賜本似不若此當為定武真刻  
無疑萬厯癸亥孟冬新安詹仲子攜至吾樓  
時古東郡陳一岳亦在座同觀與相嘆賞會  
稽百尺千巖萬壑樓居主人黃猷吉題鈐印  
三黃仕禎父高飛長嘯虛舟主人第二十二  
對幅縱七寸八分通橫七寸隸書萬厯八年  
九月朔日玉山程應魁觀鈐印二程應魁印  
孟孺行書右軍褱帖予於海內推好家亦見

數本而清逸道勁者絕少。此本備有諸家摹  
搨之妙。且經文氏鑒定。其為珍祕無疑。東園  
尚寶藏之。萬厯丁丑上巳後。南海黎民表題  
鈐印二。瑤石山人。黎惟敬氏。第二十三對幅。  
二十四右幅。縱七寸四分。通橫八寸七分。楷  
書。真蹟已逐龍手得。丁武定武差可悅。應知  
此本辨才真。幸有額并一片石。右軍神作率  
更述。薛詭易刻損本出。竈石纖畫澹黯墨。何

氏傳。贍仲得評。隲如林如出一尤。王復生此訟息。同日於越孫鑛題。鈐印三。文融孫鑛之印。水鑑軒印。第二十四左幅。縱同前。橫二寸九分。楷書。予官豫章。苦無佳況。詹中子相過。出示此卷。披覽一周。足為生平大快。吳人張棟。鈐印三。吳棟新建令印。第二十五。二十六對幅。縱八寸。通橫一尺二寸四分。行書。蘭亭之妙。正以逸少曠逸之懷。文與書互相映。



發。當其天機會合。即逸少且不能自摹。而後人摹之遠矣。余所見褚河南鈎本。與河南臨本。皆神鋒煥發。然必以定武本為准則。格韻天成。尤見風流之蘊藉耳。觀此卷而諸卷可廢。穉恭能無寶惜。崇禎戊寅秋七月。觀于攻玉軒。義興蔣如奇識。鈐印二。蔣如奇印。盤初氏。第二十七二十八對幅。縱七寸九分。通橫九寸六分。行書。余舊藏禊帖一卷。蓋得之楊

憲副夢羽家。即莫雲卿所稱外大父本。在清  
方伯之上者是也。卷前故有閻立本畫蕭翼  
賺蘭亭圖。精巧入神。不在僧繇道子下。王元  
美先生一見心醞。遂以他畫易去。余不辨書。  
今觀東圖此卷。因憶舊本五損字。大都相類。  
而用筆視此稍肥。骨法似少遜矣。語云。蘭亭  
無下品。余見此意脈脈。不無追惜當日之輕  
棄。令東圖獨擅美於今日也。萬曆庚寅嘉平

月廿日。吳郡趙用賢識。鈐印二。趙汝師氏尊。

餘堂印。

第二十八幅左空。

第二十九對幅。縱六寸八

分。通橫六寸四分。楷書。趙松雪題。譚宗文所

藏。定武蘭亭真刻云。余生六十有四年。又南

北往來行幾萬里。僅見兩三本耳。而袁清客

所記五字損本凡四。則真定武之在當時已

不易得。況今時哉。此卷乃五字損本而刻搨

古雅。與予所見何柘湖華東沙本

本字相類

豈皆薛氏石拓耶。萬歷丙子仲冬十有三日  
偶觀因題其後。茂苑文嘉鈐印一。文嘉休承  
第三十對幅右接幅第三十一右幅縱八寸  
通橫九寸。行書萬歷辛卯七月九日晉興蔣  
行可觀鈐印二。行可萬歷甲申三月晦日楚  
何宇度仁仲。李維楨本寧。龍膺君善。丁應泰  
元父。吳郭第次父。鄔佐卿汝翼。郡人汪道昆  
伯玉。道貫仲淹。道會仲嘉。王寅仲房。同觀于

白嶽山中。鈐印九。李本寧氏。何宇度印。君善  
伯玉。秦汝翼。汪道貫印。仲嘉父。仲房。第三十  
一左幅。縱同前。橫三寸二分。行書。萬厯戊子  
冬。日。余翔宗漢。同張獻翼幼子。觀於白下醉  
茶軒。余翔題。鈐印四。宗漢。余翔之印。張幼子。  
快士。第三十二右幅。縱七寸四分。橫三寸一  
分。行書。萬厯庚寅季秋朔。天池居士王宏誨  
借觀。并題于南省之來鶴亭。鈐印二。王宏誨

印忠銘第三十二左幅後接幅縱橫同前行  
書萬厯壬辰秋日延陵何淳之觀鈐印一淳  
之篆書萬厯庚辰秋嘉定戚勲臨海王士昌  
玉山程孟孺星原余羨元沛國朱多煢多烜  
多炆同觀于滕王閣下鈐印三朱貞吉朱多  
烜竹在亭

鑒藏寶璽

全五璽

寶笈三編

收傳印記邢侗私印邢子愿氏陳葯州氏夢

禪室

謹案潘允端字仲履上海人嘉靖壬戌進士  
恩官四川布政使。喬懋敬字允德上海人嘉  
靖乙丑進士。歷官湖廣左布政。俱見松江府  
志。陳于鼎宜興人。崇禎戊辰進士。授編修。蔣  
如奇字盤初。宜興人。萬厯丙辰進士。歷官東  
莞道。俱見常州府志。顧養謙字孟卿南通州  
人。嘉靖乙丑進士。歷官荊遠總督。贈兵部尚  
書。見江南通志。汝和。顧從義字郭第。隆慶庚  
丹徒人。隱於焦山。梁岳。廣州順德人。隆慶庚  
午舉人。官知州。王士昌字永叔。臨海人。萬厯  
丙戌進士。歷官福建巡撫。以上三人俱見明  
詩綜小傳。祝世祿字無功。江西德興人。萬厯  
己丑進士。知休寧縣。歷官尚寶司卿。余羨元  
字不其。婺源人。與兄養元稱星江兩其。並以

詩文賜。以嘉靖二年。見徽州府志。陳文燭。字玉。叔。沔。陽。人。嘉靖。乙丑。進士。官。南。大。理。寺。應。冠。一。名。福。生。字。孟。孺。號。四。岳。山。人。江。西。玉。山。人。龍。廣。字。君。御。武。陵。人。萬。恩。庚。辰。進。士。官。南。太。常。卿。此。三。人。政。見。續。編。朱。多。虹。已。見。前。來。相。如。下。黃。猷。吉。山。陰。人。隆。慶。戊。辰。進。士。官。來。相。如。下。山。陰。志。張。棟。字。任。崑。山。人。萬。恩。官。來。相。如。下。山。陰。志。張。棟。字。任。崑。山。人。萬。恩。見。蘇。州。府。志。趙。用。賢。字。汝。師。常。熟。人。隆。慶。辛。未。進。士。官。來。相。如。下。山。陰。志。張。棟。字。任。崑。山。人。萬。恩。尚。書。誥。文。毅。明。史。有。傳。何。字。度。自。署。楚。人。里。貫。未。詳。萬。恩。中。官。夔。州。府。通。判。著。有。益。部。談。資。三。卷。丁。應。泰。武。昌。人。萬。恩。癸。未。進。士。官。來。相。如。下。山。陰。志。張。棟。字。任。崑。山。人。萬。恩。御。史。見。湖。廣。通。志。王。宏。海。字。紹。傳。廣。東。定。安。人。嘉。靖。乙。丑。進。士。官。來。相。如。下。山。陰。志。張。棟。字。任。崑。山。人。萬。恩。草。見。廣。東。通。志。何。淳。之。字。仲。雅。江。寧。人。萬。恩。



丙戌進士。歷官御史。見江寧府志。戚勳。字世  
後。號曲泉。見畫史會要。朱多炆。明崇安王。之

長洲文氏尺牘 一冊

本幅素牋本。指裝十一幅。行書尺牘八通。第一兩幅皆縱七寸九分。通橫一尺六寸六分。徵明久不聞問。頗切馳系。比歲李子成薄遊吳門。每談高雅。尤用企竢。適承惠教。兼示佳文。詞旨明潤。命意嚴正。捧讀之餘。益深健羨。首夏清和。審聞起候。安勝為慰。徵明今年七十有六。病疾侵尋。日老日憊。區區舊業。日益

廢忘。媿於左右多矣。向委手卷。病懶因循。至今不曾寫得。旦晚稍閒。當課上也。使還。且此奉覆。再領佳幣。就此附謝。未閒。惟若時自愛。徵明頓首再拜。太學少溪尊兄侍史。第二兩幅。皆縱七寸四分。通橫一尺三寸。使至尋書。知賢閣。令人遽爾違世。良用驚悼。區區比日。亦抱此戚情。悵憤憤。不能為懷。矧君伉儷之重。悲怛何如。秋深氣候未調。惟尊生自廣。承

行李北行。不審當在何日。道出吳門。或得參  
展也。使還。且此奉覆。舊付古牋一卷。近寄六  
扇。所須拙筆。悉付使人納上。不悉。微明頓首。  
奉覆第三兩幅。皆縱七寸五分。通橫一尺二  
寸四分。昨承惠弔亡妻。兼賜厚賻。區區偶出。  
不獲拜辱。方媿念間。再領誨函。重以儀幣。情  
意稠疊。推與過情。原本二潦倒末殺。何以堪  
此。祇自慚悚耳。所委卷軸扇頭太多。七十老

人加之病冗。實不能猝辦。謹留一卷二扇。稍  
需數日課上。餘且奉還。更伺他日得為幹當。  
佳幣并就還納。草草占覆。不悉。徵明頓首再  
拜。小書石刻侑緘。第四一幅。縱七寸五分。橫  
六寸六分。今日同坦公章氏寫碑。敢請執事  
陪行。昨曾面告。想不拒也。懇懇徵明肅拜永  
之妹丈執事。第五一幅。縱七寸三分。橫五寸  
三分。付還書三種。計十有四冊。照數檢領。又

領英實之貺。多謝多謝。徵明奉覆永之比部  
侍史第六。一幅。縱八寸。橫九寸八分。日觀  
荀已檢餘山別後。能高興過我一賞何如。名  
印附納。餘邊面盡不一。彭稽穎玉遮尊兄第  
七。兩幅。皆縱八寸一分。通橫一尺二寸。向晚  
匆匆而歸。殊口口二字盡興。然到舍已昏黑  
矣。海演許借伯幾詩跡。望迂步往彼一取。數  
日即納。不敢久滯也。餘情俟玉蘭盛開。卻當

專謝耳。書口口口

三殘字。頓一絹畢。久負如何。

嘉頓首再拜叔寶契兄足下。接紙原跋。休承墨妙。別開手眼。迺停雲氏子敬也。至於畫筆蕭疎。不啻雲林子復生。清和月望。王閏題。鈴印一。王閏。

前副葉目錄

文太史徵明聞問帖。使至帖。惠弔帖。寫碑帖。還書帖。沮米帖。文國博彭葡萄帖。文教諭嘉

向晚帖。鼎足齋題。鈐印二周嘉胄印。周江左氏。鼎足齋。

後副葉題跋。

古今名賢以八法五墨雲仍振藝者。晉有瑯琊。唐有率更。宋有襄陽。元有吳興。國朝則有雁門三秀。壽承八法。有勝父之譽。休承五墨。逸品當越阿翁神品之上。余所藏三公神逸品迹頗勝。此冊翰札具見一斑。當作瑤歷代惟



歐陽橋梓獨藝專精遑及繪事耳。句有誤崇禎

壬午上元日題鈴印一周江左

鑒藏寶璽五璽寶笈三編

收傳印記鼎足齋重八王閔重七鼎足齋書畫記

蘭石主人俱半印重三項德標印遼西郡圖書印

蒼巖子蕉林書屋

謹案周嘉曾目錄文徵明尚有阻冰帖此關永之。袁表字表嘗官刑部主事餘山金和字和吳縣人萬厯甲戌進士厯官兵部郎中見蘇州府志王連王穉登號

錢穀張復合畫水程圖 三冊

本幅紙本。推蓬裝三冊。第一冊三十二幅。皆縱七寸二分。橫一尺一寸八分。設色畫水程圖。各幅標題。一。小祇園。二。太倉。三。新洋江。四。裔子鋪。五。崑山。六。信義。七。夷亭。八。沙湖。九。下雉瀆。十。婁門。接待寺。十一。閶門。虹橋。虎邱山塘橋。渡僧橋。十二。楓橋。江村橋。寒山寺。十三。射瀆。十四。澁墅。鈔關。十五。望亭。巡檢。

司十六。無錫十七。高橋巡檢司。錫山。慧山。芙蓉湖。黃阜墩十八。洛社十九。橫林二十。白家橋二十一。天寧寺。毘陵二十二。新閘二十三。奔牛二十四。呂城二十五。丹陽二十六。新豐二十七。丹徒鎮二十八。夾岡一名黃泥壩二十九。揚子江閘口鎮江三十。金山。焦山三十一。瓜洲三十二。揚子橋。揚州。後幅跋。右畫冊。自小祇園以至維揚郡共三十二番。贈送太

僕王鳳洲先生還天府作也。鳳洲此冊留予  
所三四年。未嘗注意。今迫於行。勉爾執筆。維  
欲記其江城山市村橋野店舟車行旅川塗  
險易目前真境。工拙妍媸。則不暇計也。觀者  
請畧之時。萬曆二年歲次甲戌上元日。彭城  
錢穀識于懸磬室之北齋。分鈐印。錢穀重十  
錢氏叔寶。重十叔寶。重十縣磬室第二冊。二十  
八幅。皆縱七寸八分。橫一尺二寸。設色畫水。

程圖。自邵伯至張秋。各幅標題。一邵伯。二  
露筋廟。三高郵。四寶應。五淮安。漂母祠。六移  
風閣。七清江浦。八清河縣。九淮河口。十桃  
源。十一古城。三義廟。十二白洋河。十三宿遷。  
十四直河口。十五曲頭集。十六邳州。十七呂  
梁。洪。十八徐州。九里山。雲龍山。范增墓。十九  
茶城口。二十境山。二十一夾溝驛。二十二夏  
鎮。二十三新開河。二十四濟寧。二十五南旺。二

十六。河橋。二十七。安山關。二十八。張秋。各幅  
鈐印一。錢穀第三冊。二十四幅。每幅縱橫同  
前。設色畫水程圖。自東昌至通州。各幅標題  
一。東昌。二。梁店驛。三。臨清。四。武城。五。甲馬營  
驛。六。鄭家口。七。古城縣。梁家莊驛。八。德州。九  
連窩驛。十。磚河驛。十一。新橋驛。十二。滄州。十  
三。興濟縣。乾寧驛。十四。清縣。十五。流河驛。十  
六。楊柳青。十七。天津。楊青驛。十八。丁字沽。十

九。楊村驛二十。河西務二十一。和合驛二十。

二。灣口。李二寺。各幅鈐印一。錢穀。據王世貞跋云。張復

國五十幀。則第二冊以下皆復畫。今皆二十有錢穀印。當如跋所云。穀加色澤也。

三。張家灣。鈐印二元。春復二十四。通州。鈐印

一。張元春氏。後幅跋。吾家太倉。去神都為水

道三千七百里。去年春二月。入領太僕。友人

錢叔寶以繪事妙天下。為余圖自吾家小祇

園而起。至廣陵。得三十二幀。叔寶上足曰張

復附余舟而北。所至屬圖之。為五十幀。以貽  
叔寶。稍於晴晦旦暮之間。加色澤。或為理其  
映帶輕重而已。萬曆乙亥春。王世貞題於鄖  
陽使院。張生所圖。故缺通州張灣二幀。今  
春過余山齋中。漫為圖之。然春明門外天涯  
久矣。無眼光落此逕也。丁丑春日。又題。鈴印  
二元美鳳洲。



收傳印記秋風書畫圖章。婁東畢沅鑑藏。畢沅寶藏。

謹案張復字元春太倉人。山水以石田為宗。晚年稍變己意自成一家。見畫史會要。

沈士充陳繼儒書畫合璧 一冊

本幅紙本十對幅。皆縱八寸六分。橫七寸。右幅。淺設色畫山水。第五幅 第一第五幅款。沈

士充。第二第四第八第九幅款。士充。第三第六第七幅款。沈士充寫。第十幅款。己巳寫小景十冊。時於紅蕉館中。沈士充每幅鈴印一。子居。左幅行草書。十月衆芳歇。寒風更淒咽。一點漏春光。紛紛落香雪。陳繼儒。閒來自

洗硯愁來長讀書。却笑陶柴桑。二子荷藍與  
眉公。醉披白鷺蓑。撥入寒山影。模糊雲在  
頭。蘋殘笛聲冷。陳繼儒。山氣日夕黃。腥風  
戰林莽。行者避虎嘯。居者發精爽。眉公。飛  
瀑界杉松。幽雲幕修竹。門外無人來。家中有  
書讀。陳繼儒。秋雨洗山根。木末生微綠。夕  
陽鞭白駒。吟詩向空谷。眉公。幽徑入桑麻。  
隔西逢一家。編籬新帶薊。補屋草和花。陳繼

儒。秋高霜氣濃。蘆枯楓葉醉。莫遣詔書來。

先生正軒睡。陳繼儒。山高鳥不巢。水清龍

不住。至人冥是非。一味模糊樹。眉公。處士

蝸牛庵。覓之不可見。蕭蕭枯葉中。無風下微

霰。陳繼儒。分鈴印。眉公。五連陳繼儒印。三連

鑒藏寶璽。五璽寶笈三編。

收傳印記畢秋颿書畫記。

1

沈士充陳繼儒書畫合璧 一冊

本幅六對幅。皆縱九寸六分。橫七寸。右幅冷  
金箋本。畫山水。一墨畫款。沈士充。二墨畫款。  
壬申秋日寫。沈士充。三。四。淺設色畫款。沈士  
充。五。墨畫。六。淺設色畫。款並同。每幅鈐印一。  
子居。左幅宣紙本。行草書。風風雨雨暗孤村。  
芍藥花時獨舉尊。老後山中常謝客。為憐巢  
燕一開門。陳繼儒。俱以下款。小船撥過小橋

灣。菱葉分開見遠山。放却漁竿便吹笛。斯人  
不可使常閒。蕭蕭洒洒數點雨。磊磊落落  
千章松。曉坐竹窗無過客。隔溪明月打山鐘。  
小亭貼岸綠陰齊。望入雲峯西轉西。茶後  
香前圖一覺。深松細雨叫黃鸝。綠到春山  
不可加。卓菴峯處盡丹砂。湯泉難化千年雪。  
雪裏常開五色花。羣峯盤盡吐平沙。修竹  
橋邊見酒家。醉後日斜扶上馬。丹楓一路似

桃花分鈴印。陳繼儒。四眉公。五重。

鑒藏寶璽。五重。寶笈三編。





明人集繪 一冊

本幅十二對幅。皆縱九寸八分。橫一尺一寸九分。右幅俱金牋本。一設色畫牡丹。自題滿堂富貴。畫筠道人張昉寫于宜樓。鈐印二。筠道人張昉之印。一淡設色畫山水。自題辛亥夏日。寫於桐月草堂。素臣章采。鈐印一。螭澄心以凝思。三。設色畫梅花款。巢雲姜泓畫。鈐印二。姜泓口涓。四。墨畫泉石叢篁款。辛亥長

夏寫諸升。鈐印二。如吾淡設色畫山水。自  
題。松齡連瑞。馬遠法。藍深畫。鈐印一。藍深。六  
設色畫。文禽秋卉。自題。辛亥夏六月。法錢舜  
舉畫。藍濤。鈐印二。豫庵。藍濤。七。淡設色畫山  
水。自題。辛亥仲夏。舟次苔上。學寫李營邱法。  
舊京嵇永翼。鈐印一。永翼。八。設色畫。海棠秋  
蝶。自題。辛亥永夏。王質寫。鈐印二。王質之印。  
文蘊九。淡設色畫山水。自題。李咸熙南山秋


永。辛。亥。六。月。既。望。藍。深。寫。鈐。印。一。藍。深。十。設。  
色。畫。荔。支。山。鵲。款。葉。鼎。奇。畫。鈐。印。二。鼎。奇。十。  
一。淡。設。色。畫。山。水。自。題。辛。亥。長。夏。寫。於。屏。山。  
間。章。聲。鈐。印。二。章。聲。子。宦。十。二。設。色。畫。梅。花。  
翠。羽。自。題。辛。亥。夏。仲。陳。星。寫。鈐。印。二。陳。星。之。  
印。日。生。氏。左。幅。灑。金。牋。本。俱。空。

鑒藏寶璽

五璽

寶笈三編

謹案是冊多明末人。已入國朝者故置明  
人之末。不復加案語。



名人書畫合冊 一冊

本幅二十八幅。扇面一。灑金箋本。草書。歲時  
鎖罷。柝聲傳。粉署沈沈。閤篆烟。幾樹夕陽移。  
榻畫。滿庭秋色散。衙眠。鴉爭熟果。時時落蛛。  
惜殘絲。夜夜連。不信成風。書獄手。倦來猶藉。  
古人編。饒州公署。即事。流水高山。思亂飛。大。  
夫賓從。亦忘機。生烟細吐。香爐濕。急雨俄添。  
足練肥。苔老乍穿珠。賜履。蘿深時奪錦。征衣。

從今一片羊公石莫怪鐫遊姓字稀從御史  
大夫潘公游廬山瀑布題名石門之作舊作  
為孟孺索贈翠坡太守先生王世懋鈴印一  
敬美云礬紙本草書湖上村居僻柴門生事  
幽青山聊對酒碧浪好盟鷗笋長驅童護花  
閒任客遊不知春色暮指點綠陰稠卜築還  
謀隱湖陰豈漢陰田疇偶負郭梅柳却成林  
書卷西堂趺壺觴北海襟辟人吾未敢耕稼

漫相侵田舍二首素聚鈴印二朝槿軒素尚  
之氏三金箋本草書藉藉聲稱八使齊行邊  
秋色滿河西通商幾處開亭障防虜何年息  
鼓鼙漢闕風流爭避馬秦關月落早鳴雞故  
人不作豐城令安得干將解贈携送張使君  
出塞東海賦懋循鈴印二賦晉叔氏負芑堂  
印四金箋本草書天蹕三乘啟星輿六轡行  
登高凌寶塔目極徧玉城神衛空中繞僊歌



雲外清重陽千萬壽。率舞頌并平。薛鳳翔鈴  
印。薛鳳翔印。五。金箋本。草書。秋菊有佳色。  
裛露掇其英。况此忘憂物。遠我遺世情。一觴  
雖獨進。杯盡壺自傾。日入羣動息。歸鳥趨林  
鳴。嘯傲東軒下。聊復得此生。歸昌世。鈴印。一  
歸昌世印。六。砑紙本。草書。昨故遺書。當不相  
遇。知君還喜慰。足下時行想。今善除猶耿耿。  
僕時行以十一日而不除。如此日便成委頓。

今日猶當小勝。不知能轉佳不。積不卿至劣。  
劣力還不具。義之。邢侗臨鈴印一。邢侗之印。  
七。礬紙本草書。七月二日獻之白。孫權據有  
江東。以歷三世。國險而民附。賢能為用。斯可  
與為援。而不可圖也。益州天府之國。高祖因  
之以成帝業。荊州北據漢河。利盡南海。西連  
巴蜀。東通吳會。此用武之國也。邢侗臨鈴印  
一。邢侗之印。心金箋本。青綠畫。松竹繞廬。攤

書獨坐山光溪影浮動窗櫺隸書題溪外青  
山山下廬松品竹塢勝僊居幽人不逐尋春  
侶靜倚南窗讀道書時年八十又五徵明鈴  
印二徵明九金箋本設色畫桃花雙鶻款丁  
亥春日寫周之冕鈴印二之冕周服卿氏古  
礬紙本水墨畫松徑扶筇共看山色款五峯  
文伯仁寫鈴印二五峯文伯仁十一金箋本  
潑墨畫雲山烟樹題天降時雨山川出雲寫

大米法雲鵬鈐印二南羽十五金箋本水墨  
畫竹籬茅舍喬木成陰款庚午仲秋畫秣陵  
周鼎鈐印二周鼎之印公調氏十三金牋本  
水墨畫疎柳清溪山樓眺遠款元人墨法臨  
吳宏作鈐印二吳遠度十四金箋本青絲畫  
白雲青嶂松風礪泉篆書款長洲陳叔祿鈐  
印二陳叔祿印春口半十五金箋本設色畫  
巖澁蘆汀漁舟聚飲款錢貢鈐印一禹方十

六。礬紙本。設色畫。石榴山雀款。辛巳五月張  
紳。鈐印二。張紳私印。張子紳氏十七。金箋本。  
設色畫。芳洲分袂。清溪岸水。烟篁風柳。釣艇  
漁梁款。癸未仲夏寫。錢共宿鈐印一。拱宸十  
八。金箋本。設色畫。樹陰跂足。坐看山泉款。已  
未秋寫。似鴻如兄。吳郡盛茂穎鈐印一。茂穎  
十九。金箋本。設色畫。雙崖插空。林屋隱露款。  
乙亥夏日畫。沈拙鈐印二。沈拙之印。我思古

人二十金箋本水墨畫林巖飛瀑幽人卧觀  
款庚辰春日寫兔苑曹瑗鈐印二曹瑗二十  
一金箋本設色畫溪雲初起山雨欲來款春  
日為心覺兄寫雪居宏鈐印一雪居二十二  
砮紙本水墨畫林木含風橋亭過雨款晚風  
巢古柳驟雨發新荷龔賢鈐印一龔賢二十  
三砮紙本水墨畫深林藏屋幽澗鳴泉款賢  
又筆鈐印一仁甫二十四砮紙本設色畫千

葉桃花款。丁卯春暮。白雲溪館製。南田壽平。  
鈴印二。壽平正叔。二十五。砑紙本。設色畫。萱  
花夾竹桃。自題。對此香草。可以忘憂。持贈同  
心。聊供勝賞。南田。壽平。鈴印二。壽平。半園  
寫意。二十六。金箋本。水墨畫。林屋溪橋。臨窗  
佇友。自題。乍晴天氣。麥風寒。茂草全侵芍藥  
欄。庭敞天花。由鳥過。籬圍山色。任雲穿。新成  
梁燕。將雛出。舊種山梅。綴子殘。窗內讀書情。

味足。又來詩侶得盤桓。丙寅四月一日作清  
湘石濤濟山僧。鈐印一。石舫二十七。礬紙本。  
設色畫。桃花楊柳釣艇漁洲自題。漁村春曉。  
庚子中秋。倣趙大年筆意。蒲室叡。鈐印三。叡  
目存。口僧二十。公金箋本。設色畫。三徑梅花。  
一溪春水。無款印。

鑒藏寶璽

五璽

寶笈三編嘉慶御覽之寶

重

收傳印記石川所藏



謹案臧懋循。字晉叔。號顧渚。長興人。萬曆庚辰進士。歷官南國子博士。見湖州府志。薛鳳翔。山東濱州人。萬曆丁未進士。歷官少傅。工部尚書。見題名碑。明史七卿表。粵西僧濟。號石濤。住廣教寺。能詩工畫。見寧國府志。此冊大半皆國初人。故不備考。

國朝人畫山水 一冊

〔本幅〕金牋本。推蓬裝十幅。每幅縱九寸八分。橫一尺一寸八分。一。水墨畫山泉噴涌樓閣崢嶸。款法洪谷子仙山圖。莊回生鈐印一。回生。二。設色畫垂柳緋桃扁舟一葉。款武林戴琇鈐印一。挺之。三。水墨畫平林遠山輕帆淥水。款丁未春正月。畫於梅花窗下。王鑑鈐印一。元照。四。水墨畫松陰下一人臨流曳杖。款

松谿高士圖。擬叔明意。王翬鈐印一。雪田一。  
鶴五。淺設色畫。雙崖對峙。深澗疎林。款丁未。  
春孟。吳門陸度畫。鈐印一。伯美。六。水墨畫。沿  
隄灌木。隔岸雲峯。款壺山山人畫。鈐印一。壺  
山山房。七。水墨畫。雲際奇峯。林端古寺。款仿  
范華原法。王時敏鈐印一。王時敏印。八。設色  
畫。松下茅齋。烟雲出沒。款擬趙文敏公於來  
鶴亭。林邱鈐印一。偶之九。水墨畫。林巒層疊。


烟雲滃然款米元暉湘山出雲圖渾厚而有  
生動之趣洵乎神筆也董思翁極得其法此  
幀是老夫學步古人也千里鈴印一不可辨  
十水墨畫峭壁下一人坐石觀泉款丁未春  
仲白下陳舒寫鈴印一忠定啟家

鑒藏寶璽

全五璽

寶笈三編

收傳印記賞奇齋賞鑑書畫印畢秋驅書畫  
記海虞朝棟莊仲寶藏秋暇珍賞



國朝名人畫扇面 一冊

本幅推蓬裝扇面十八幅。一。礬紙本設色畫。自題秋夜讀書圖。丙申十月。撫許道寧筆。為庭老學兄清鑒。聽山曹澗鈴印三。雲西曹澗之印。聽山。二。礬紙本設色畫。登瀛圖。鈴印二。顧咏三。金牋本墨畫。花卉款。丁卯蒲月中浣。若濟先生索祝。口翁老年臺榮壽。并榮正之。廣平宋亮鈴印二。宋廣平亮一。不可辨。四。礬

紙本淺設色畫秋江晚渡圖款丁酉九月寫  
史漢鈐印二史漢五金錢本淺設色墨畫款  
丙辰夏仲擬王維筆法作峨嵋積雪圖為裏  
翁先生榮壽石村姚匡鈐印一石村六藝紙  
本淺設色畫隸書標題晴壑閒雲款乙巳夏  
仲寫於聽雨山房九峯散人胡鼎松鈐印一  
九峯散人七藝紙本墨畫標題萬竿烟雨學  
松雪翁筆意於虎韭園中峻峯松鈐印二鼎

崧八金牋本墨畫山水款乙卯夏日寫呈李  
老夫子教門人強應祥鈐印一強應祥印九  
冷金牋本墨畫山水款弟應祥再墨鈐印一  
強應祥印十冷金牋本墨畫山水款時春二  
月偶圖於香山居之西舍為幼瞻九哥一笑  
弟應祥鈐印一大唐宗臣十下碧紙本墨畫  
水仙竹石自題盈盈仙子骨最愛去凌波惹  
得陳王覓湘江月色多懋勤大甥屬寫戊戌



秋日戲墨王世紳鈴印三就凡世紳霍孫十  
二。金牋本墨畫款乙未冬日擬黃子久谿山  
雨過圖似純翁老先生政陸遠鈴印一不可  
辨。十三。金牋本設色畫梅花翠羽款庚申十  
一月上泚琴川南交許永畫鈴印二和南交  
十四。簪紙本淺設色畫山水籤題溪山漁隱  
圖款歲次甲戌仲夏劍門客館撫文湖州意  
為敏老有道先生教正遠鈴印二蔡遠十五

金牋本設色畫山水自題春至何時不憶君  
綠陰如幙滿柴門寄書無物堪為贈章綵山  
中止白雲弟熙景似春陽姊文鈴印一徐熙  
景印十六卷紙本設色畫花卉款仿范夫人  
筆女史張蘭寫鈴印三小山蘭素仙十七卷  
紙本淺設色畫山水自題滿城風雨近重陽  
深鎖山光與水光坐倚間窗吟正苦何人載  
筆到茅堂丙子秋日寫似吟漁老先生并跋

蒲室道鈴印一。南園十公淺設色畫山水款。

臨鑑藏寶璽

金璽

寶笈三編

國朝名人畫扇面一冊

本幅推蓬裝扇面十八幅。一冷金牋本墨畫山水。自題湖邨雨歇。戊戌三月上澣。似申翁先生畫。王翬鈴印二。畫禪。王翬之印。二。簪紙本。設色畫折枝牡丹。自題神女溫香籠翠袖。銖衣新製剪紅雲。為吳老道翁鑒之。壽平鈴印一。壽平之印。三。簪紙本。設色畫折枝紫薇花三種。自題玲瓏絳樹影飄緲。芙蓉衣黃雲。

天畔起紫鳳亦齊飛三薇圖徐家設色法為  
德彰道兄憚壽平鈐印二壽平之印正叔四  
礬紙本設色畫西番蓮款癸亥初夏擬唐解  
元寫生園客壽平鈐印二壽平之印正叔五  
礬紙本設色畫牡丹自題半頰流霞同縹緲  
全身向日獨精神王武寫詩意鈐印一王武  
之印六冷金牋本設色畫萱花蜀葵自題忠  
孝圖己未仲夏寫呈聖翁老年父臺教正治

下王武鈴印二。王武勤中。古金牋本。墨畫嬰  
粟花款。戊午閏月。雨窗摘花適麟首兄屬贈。  
梅老年親翁。即為寫此。以應惜乎。此扇膠重  
地赤。殊未見寸長也。幸教之。王武并識。鈴印  
三。忘菴武勤中。八金牋本。墨畫嬰粟花款。忘  
菴武鈴印一。忘菴。九簪紙本。淺設色。畫山水  
款。丙寅小春。為錫萬寅先生索畫。寄令弟敬  
老道翁。余與李君昆仲同居廣陵。一時有感。

漫寫春江花月夜呈教并鑒客心思慕芝宇  
如想望故鄉山水也。忽次走筆。未勉氣弱失  
之耳。弟禹之鼎。鈐印二。禹之鼎。慎齋十冬金  
牋本。墨畫山水。款邵邵咸。又設似正。鈐印一。  
漫漶十一。冷金牋本。設色畫山水。款癸未二  
月。仿趙松雪畫。劉度。鈐印一。叔憲十二。礬紙  
本。設色畫花果四種。款蔣廷錫。鈐印一。酉君  
十三。礬紙本。設色畫梅花山樸。款戊寅立春。

印南沙馬元馭鈴印二元馭之印長駒十四  
礬紙本淺設色畫山水自題梅花書屋隸下  
丑嘉平寫為瞻庭老先生金侃鈴印一亦陶  
十五金牋本淺設色畫山水款乙丑二月望  
日為漢年兄寫吳門張宏鈴印二張宏君度  
十六礬紙本淺設色畫松竹茅亭自題竹徑  
茅亭接洞天閒持麈尾漱春泉世人車馬不  
知處時有歸雲到枕前庚子長夏摹趙仲穆



筆意奉古農先生清賞。晚年散人顧昉鈐印  
二。顧昉十七。礬紙本。設色畫山水款。辛亥桃  
月馬昂寫。鈐印二。馬昂雲上十八。礬紙本。淺  
設色畫雪景款。丙辰夏日。倣郭熙溪山雪霽  
似元老年先生教之。八十三老人馬昂鈐印  
三。一笑馬昂雲上。

鑒藏寶壘

五壘

寶笈三編

王時敏王鑑吳偉業董璫陸岱毓畫山水合

冊 一冊

〔本幅〕紙本推蓬裝八幅每幅縱七寸八分橫一尺一寸七分。墨畫叢巖密樹款戊戌秋為百翁老祖臺壽。王時敏鈐印一。王時敏印。二。設色畫青嶂林亭款時敏。三。墨畫松林野屋款時敏。鈐印一。烟客四。設色畫翠嶽丹崖。款戊戌九秋畫祝百翁老祖臺大詞宗壽。王

鑑鈐印一鑑五墨畫秋林遠山自題雨過重  
陽後疎林日漸嘉秋山書屋裡仙客醉黃花  
戊戌九日畫似百翁祖臺壽偉業鈐印二吳  
偉業印駿公六設色畫晴厓蒼巖款倣叔明  
筆王鑑鈐印一鑑七墨畫溪橋村落款董璘  
鈐印二峻洲八設色畫松礪流雲款戊戌秋  
日畫陸岱毓岱鈐印一岱毓

收傳印記香汀珍賞

重秋颿珍賞

畢沅審定

畢秋颿書畫



王翬惲壽平合筆山水一冊

本幅紙本八幅首幅摺裝二幅至末幅對幅

裝首幅縱六寸一分橫七寸二分水墨畫各

幅疎林野屋題幽澹天真雲林古趣南田生

鈐印三正叔壽平吹萬又題胷中無逸氣不

可以作雲林若如庸俗所為遂遺泉石之點

當與王郎共洗之鈐印一叔子又題雲林直

欲駕王吳而上全以逸氣取勝耳此本庶幾

得之矣。鳥目山人王翬鈴印三。玉石谷二幅。

縱同前橫三寸六分

左右幅同  
後各幅同

右畫杉竹清

泉款元人有此本壽平戲撫鈴印一正叔又

印三。玉石谷左題六月八日予與石谷同過

遠公先生齋。壚香茗椀伊蒲清供。是日山雨

灑窗。新涼襲人。展雲林大幀。房山長幅。論富

春殘本。商訂古今筆墨源流。談讌極曠。乘興

隨筆。須臾盈紙。石谷復為點綴。以史先生所

精六法能教督所不逮也。憚壽平記鈴印二。  
壽正叔綠樹新篁欲送春。古泉亭畔不逢人。  
誰將一片雲林石。遮斷千秋俗士塵。王翬鈴  
印一。王翬之印三幅。右畫古木鈴印三。王石  
谷左題。營邱李夫子天下山水師。放筆寫寒  
林。千金難易之。戲學董宗伯古木圖。并錄其  
題語。時癸丑六月初九夜雨後。碧梧涼月。水  
亭寂然。剪燭書此。壽平鈴印三。自怡悅。壽平。



叔子四幅。右畫雲山款。觀高尚書碧山得此  
墨趣壽平鈴印一。壽平又印三。王石谷左畫  
水石題癸丑六月八夜園客臨北苑瀟湘圖。  
卷中一片石鈴印一。壽平印。又印三。王石谷  
五幅。右畫疎柳遠山款。石谷補飛鴻遠岫南  
田草衣畫柳鈴印二。壽正叔又印三。王石谷  
左畫層崖修樾款。作子久閒靜之筆。脫去子  
久畦徑矣。園客鈴印一。壽平又印三。王石谷

六幅石畫蘆汀釣舟款南山西溪盡於斯圖  
壽鈴印一壽又印一石谷左畫巖瀑題懸崖  
濺瀑擬李晞古絕不似晞古而晞古之神傳  
快哉鈴印三叔子壽正叔又題萬古常驚匹  
練飛一條界破青山色癸丑六月十四日王  
華鈴印三王石谷七幅右畫荷亭款石谷墨  
戲鈴印一石谷左題奇峯天際夏雲開黃鳥  
一聲酒一杯蕉葉影中山雨過渚蓮香裏夜

涼來烏目山人畫藕華溪館。真有陸天游風韻。戲題四句。惺惺平鉢印三。自怡悅。正叔壽平印八幅。右畫溪山林屋款。王葦鉢印一。石谷子左題。學子久須得其荒率處。始有逸致。若以光潤鬱密為宗。則終乾沒於門庭蹊徑。去癡翁愈遠矣。石谷子鉢印一。王葦之印。又題正叔謬稱余。蓋正叔自道也。然學癡翁者。觀正叔數語。則能破甜邪之習。願與史先生


商之王蒙又書鈴印三王石谷又題昔人有  
子久今人無子久子久不在茲誰能知子久  
石谷畫一峯與雲間婁東迴異蓋真得一峯  
神髓矣鈴印二壽平園客

鑒藏寶璽

五璽

寶笈三編

編



藍深畫西湖十景嚴繩孫等詩翰合璧一冊  
本幅十對幅每幅縱九寸三分橫五寸九分  
右絹本設色畫各有題識○題院荷風巨然  
筆意藍深擬○花港觀魚深寫李成熙法○  
平湖秋月趙幹筆意漫擬一過如扁舟夜泛  
身在月明中也○深○柳浪聞鶯正兄命寫西  
湖十景荏苒三易歷矣丁未上巳甫竣是冊  
尺幅為限媿未能工意在筆墨之外正兄當

不以草草罪我。同學弟藍深。倣趙大年畫。五  
三潭印月。客從湖上遊者。大率辰出未歸。亦  
能領畧腹景。此中佳趣。余與正公道。兄獨有  
會心。邇來恨南北修阻。未遂偕遊。寫洪谷子  
法寄桀弟深。六雷峯夕照。斜陽西墜。繞浮屠  
過正兄伴雲別業。檢笥中筆硯。擬夏禹玉法  
以志伊人秋水之思。深七。兩峯插雲。擬米元  
章法。藍深八。南屏晚鐘。郭淳夫畫法。藍深擬。

於不繫園舟次九。蘇堤春曉。丁未仲春泛舟  
湖。湄紛紅駭綠。種種媚人。捉管寫松雪法。正  
恐唐突西子。如何如何。深十。斷橋殘雪。王右  
丞法。深畫分鈴。印藍。三重深。六重藍。深。重謝青。重  
左紙本。一嚴繩孫行書。壬寅癸卯之間。余再  
過西陵。探湖山之勝。遊譙累月。時猶未識高  
子澹人也。今忽忽數年。旅食涼華。與高子投  
分客。卽甚暱。時時過從。窗外驚塵十丈。乃復



從謝青筆墨間。彷彿六橋烟月。何啻天際人。  
生蹤跡。遷流乃爾。高子方努力功名之地。固  
當余白首山中人。忽覺躡輦下。如中風狂走。  
何時復當濯髮清冷也。錫山弟嚴繩孫鈴印。  
三秋水。繩孫之印。孫友。子沈全行書。晚風吹  
雨。戰新荷。聲亂明珠蒼壁。誰把香奩收寶鏡。  
雲錦周遭紅碧。飛鳥翻空。遊魚吹浪。慣聽笙  
歌席。坐中豪氣。看君一飲千石。遙想處士風。

流宦隨人去。已作飛僊客。茅舍竹籬今在否。  
松竹已非疇昔。欲望當年望湖樓下。水與雲  
寬窄。醉中休問。斷腸桃葉消息。辛亥秋日書  
稼軒詞。為正公年翁。沈荃鈐印三。萼湖漁者。  
沈荃之印。繹堂三。姜宸英行書。疎簾新月映。  
叢桂小山支。為有琴樽興。還同杖履追。光清  
輝玉塵。香暗落金卮。鄙吝都忘却。終宵對紫  
芝。未近中秋節。聊將月色賒。砌蟲涼玉露。金

穗雜燈花西苑書何麗

學士出所著退食筆記見示皆紀西苑左

右勝

南州語更葩飄零吾誰似白髮是生涯

澹翁老先生招飲看桂花次閣學韻書教姜宸英鈐印三只此是學姜宸英印西溟四常岫楷書十年黃卷青燈近時蒙

詔承明殿豪華筆力風流才藻果逢

天眷翰苑爭誇長安騰譽人人忻羨更相期陸海潘江學業垂千古昭雲漢須記尋常閒伴逐良辰林間

遊宴凭闌咏句。埴麓同調。聯篇累卷。今昔難  
堪。市朝斯隔。晤言將遠。喜君家正是韶光富  
有。蚤登臺館。壬子九月。調水龍吟。祝澹老道  
兄并政。赤城弟常岫。鈴印二常岫印。李林五。  
徐乾學行楷書。同作市朝隱思。若不可支。重  
閨應有限。良會每難追。何幸值佳序。相將對  
舉卮。恍疑蓬島上。仙侶共餐芝。把臂皆吾黨。  
高談興轉賒。好垂西苑月。細看小山花。  
花中桂

一樹葉翠添清影。香濃壓冷葩。更闌檠燭照  
甚。盛。葉翠添清影。香濃壓冷葩。更闌檠燭照  
忘却在天涯。八月十一日。澹老年翁招同方  
虎西溟飲花下。賦謝求正。乾學鈴印三。蟾園。  
徐乾學印。健庵。六陳廷敬行書。幾日雙飛畫  
掩深。綺窗朱網。別沈沈。驟驚廊閣。三番仗始  
信仙人五戲禽。勾檢。蓮書。稀牘。草料量。圍帶  
減塵襟。閒階露冷。秋花放。搖落空。增感。遇心  
乙丑秋日。書近詩。請澹人館丈正。陳廷敬鈴。

印二陳廷敬印。悅巖古高岱行楷書。予大父  
文恪公在昔

賜居苑西時於中秋前四日曾與姜西溟徐健康輩  
同飲賞桂。健康賦詩二章以謝。西溟繼和。覺  
之勿禁神往。因用其韻以誌今昔之感云。共  
托金門裏。何勞思不起。風簾無燕拂。月徑有  
螢通。逸興斜安處。忘言深引處。秋蘭芳佩密。  
寧復羨餐芝。看月圓休待。

看月莫待圓。看花莫待開。並陳語。

良辰桂早賒。何曾偏夜露。終不競春花。感遇  
心銘石。談諧舌燦葩。凋零孫及我。久判老天  
涯。霞城高岱。天門并題鈴印。四靜寄霞城。天  
門高岱。曠庵八王鴻緒行書。烏道松杉古寺  
前。嶺岼層嶂出雲烟。客來採藥山僧少。苔鎖  
穹碑不記年。圍合山光滿綠汀。巖前飛瀑畫  
泠泠。倦人間在澄波上。坐愛丹楓映翠屏。舊  
作書請澹翁老先生正。雲間弟王鴻緒鈴印。

二鴻緒九十

鑒藏寶璽

全五璽

收傳印記

知余嬾是真

三印俱在  
第七左幅

清賞  
重瀟碧  
藍印  
小屋如漁舟



趙秉冲書

御製詠白鷹詩馮寧繪圖

一冊

本幅紙本對幅裝右幅縱一尺六寸橫一尺一寸四分楷書

御製詩

詠白鷹

吉林將軍  
秀林進

瑤光聚東海雪羽鍊星精猛

氣凌雲迅雄姿掠地輕金眸舒顧盼玉爪任縱橫志殄豺狼盡孰能當道行

嘉慶甲子仲冬

御製鈐寶二嘉慶左幅縱橫同設色畫白鷹一

標題嘉慶九年十一月吉林將軍秀林進白

鷹一架

清文同款臣馮寧奉

勅恭畫鈐印二臣寧

後幅臣工恭和

驚禽呈幕府練色稟金精雪野盤無影雲衢  
奮特輕搜身江月冷瞥眼塞山橫

指授離鞬擊梟狐敢肆行臣董誥恭和鈐印二臣

董誥。奇翎來鴨綠。挨眼注金精。九似清霄  
刷。三冬雪翮輕。冰霜心共照。變化氣能橫。驚  
驚歸。

仁世。翮儀

玉陞行。臣朱珪恭和。鈐印二臣珪。

神京來鷺鳥。皓質稟金精。側目青霄近。穿雲白  
羽輕。霜清光愈潔。秋爽氣尤橫。豈止臬鸞別。  
狐狸不敢行。臣劉權之恭和鈐印二。臣權之。

海上奇毛貢，飛騰百鍊精。  
質留冰嶺幻，影逐玉花輕。  
映日雄姿發，蠲塵逸氣橫。  
自

天袞潔白，萬里肅金行。  
臣戴衢亨恭和  
鈴印二臣戴衢亨恭和  
操縱權歸主，非關學習精。  
摩空雙翮健，昭潔一身輕。  
江水松花綠，風霜素練橫。  
好當秋獮舉，榮傍

玉驄行。  
臣英和恭和  
鈴印二臣和  
皓質凌霜至，韞條曜雪精。  
聳身如玉立，奮翮決雲輕。  
貌

爾英姿出功收逸氣橫一從邀

審賞無負

禁林行。臣趙秉冲恭和鈐印二。臣趙秉冲筆沾  
恩雨。海氣團雲質。寒光耀日精。回眸雞塞  
遠。刷羽

鳳池輕。皓潔三山映。盤旋萬馬橫。草中狐兔盡。  
看爾掣空行。臣黃鉞恭和鈐印二。臣鉞  
趙秉冲奉

勅敬書。鈐印二。臣趙秉冲。筆沾恩雨。

前副葉

風霜英采。臣董誥敬題。鈐印二。臣董誥敬書。

鑒藏寶璽

五璽

寶笈三編。嘉慶御覽之寶。二。重執兩

用中。

重

宋四家書一卷

本幅紙本五幅一縱九寸橫八寸九分蘇軾  
行書元祐八年八月十一日將朝尚早假寐  
夢歸口行宅徧厯蔬圃中已而坐於南軒見  
莊客數人方運土塞小池土中得兩蘆葍根  
客喜食之予取筆作一篇文有數句云坐於  
南軒對修竹數百野鳥數千既覺惘然思之  
南軒先君名之曰來風者也軾鈴印一眉陽

蘇軾二縱八寸七分。橫一尺二寸一分。蘇軾  
行書尺牘。軾啟。衮衮職事。日不暇給。竟不獲  
款奉愧負。不可言。特辱訪別。惋悵不已。信宿  
起居佳勝。明日成行否。不克詣違。千萬保重。  
保重新酒兩壺。輒持上。不罪浼瀆。不一不一。  
軾再拜。主簿曹君親家閣下。八月十九日。無  
印記。三。縱八寸七分。橫一尺五寸一分。黃庭  
堅行書尺牘。庭堅頓首。兩辱垂顧。甚惠。放逐



不齒。因廢人事。不能奉詣。甚愧來辱之意。所  
須拙字。天涼意適。或能三二紙。門下生輒又  
取去。六十老人。五月揮汗。今實不能辦此。想  
聰明可照察也。承晚涼遂行。千萬珍愛。象江  
皆親舊。但盛暑非近。筆硯時未能作書。見者  
為道此意。庭堅頓首。齊君足下。無印記。四縱  
八寸二分。橫四尺五寸五分。米芾草書詩。昔  
年訪月寒溪頭。霜高酒劣稜生裘。溪僧輟寢

從吾幽共移不繫漁人舟。斷崖老木紛金虬。  
又如蘋藻涵清流。鶴骨浸煩風露憂。妙語滿  
地無人收。元豐五年。從天竺歸隱溪之南岡。  
有作米芾無印記。五縱九寸四分。橫二尺二  
寸。蔡襄楷書。晉陸雲寒蟬賦。寒蟬賦并序。昔  
人稱雞有五德。而作者賦焉。至於寒蟬才齊  
其美。獨未之思。而莫之述。夫頭上有綏則其  
文也。含氣飲露則其清也。黍稷不食則其廉

也。處不巢居。則其儉也。應候守節。即其信也。  
加冠冕。取其容。君子則其操。可以事君。可以  
立身。豈非至德之蟲哉。且攀木寒鳴。賢才所  
不空歎。余昔僑處。切有感焉。興賦云。爾伊寒  
蟬之感。運近嘉時。以遊征。含二儀之和氣。稟  
乾元之清靈。體貞精之淑質。吐崢嶸之哀聲。  
希慶雲以優遊。遁太陰以自寧。於是靈岳幽  
峻。長林差參。

按二字

宜倒轉

爰蟬集止。輕羽涉池。清

澈微激德音孔嘉承南風以軒景附高松之  
二華黍稷惟馨而匪享竦身希陽乎靈和咲  
乎其音翩乎其翔容麗蜩蟪聲美宮商颺如  
飛焱之遺驚風眇如輕雲之麗太陽華靈鳳  
之羽儀渚皇都乎上京跨天路於萬里豈蒼  
蠅之尋常爾乃振修綏以表首舒輕翅以迅  
翰按此下脫二字華之墜露含煙煨以夕飡望北  
林以鸞飛集樛木以龍蟠彰淵信於嚴時稟

清誠乎自然。翮眇微妙。縣蠻其形。翔林附木。  
一伎不盈。豈黃鳥之敢附。希唯鴻毛。其猶輕。  
憑綠葉之餘光。哀秋華之方零。思鳳居以翹。  
竦仰竚立。以衍字當而哀鳴。若夫歲聿云暮。上  
天其涼。感運悲聲。貧士含傷。或歌我行永久。  
或詠之子無裳。原思歎於蓬室。孤竹吟於首  
陽。不銜子以臧。此字穢身不勤身以營巢。志  
高於鳴鳩。節妙乎鵲鴉。附枯枝以永處。何瓊

林之迴修。惟雨雪之霏霏。哀北風之飄。

原脫一字

既乃彫以金采。圖我嘉容。珍景曜爛。時

原脫煒字

華豐。奇侔黼黻。艷比袞龍。清和明潔。羣動希

蹤。爾乃綴以空冕。增成首飾。纓蕤翩紛。九流

容翼。映華蟲於朱袞。表馨香於明德。於是公

侯常伯。乃紆紫黻。執禮淵。俯鳴佩玉。仰撫貂

蟬。袞黃廬之多士。光帝皇之待人。既騰儀像。

於雲闥。望景曜乎通天。邁休聲之五德。豈鳴

難之獨珍聊振思於翰藻聞令問以長存於  
是貧居之士喟爾相與而俱歎曰寒蟬哀鳴  
其聲也悲四時云暮臨河徘徊感北門之憂  
殷歎卒歲之無衣望泰清之巍莪思希光而  
無階簡嘉蹤於皇心冠神景乎紫微詠清風  
以慷慨發哀歌以慰懷蔡襄書無印記

後幅題跋

右蔡君謨書寒蟬賦真蹟觀其大似褚河南

筆法。迺御府收藏之物也。先朝評書者稱蘇  
子瞻。蔡君謨。黃魯直。米元章。為四大家。並馳  
海內。縱橫於夷島之間。隻字片楮。而不易得。  
今閱此帖。楷法咸精。殆高駕三公而優入於  
神誠翰墨中之至寶也。京兆宇文公諒鈴印。  
三。京兆宇文公諒子貞章。莒東耕隱。考古正  
今。



收傳印記松雪齋圖書印趙子昂氏李振宜  
滄葦氏鑒定印李氏珍玩困學齋仲穆樵李  
子孫世昌江德量鑒藏印桂坡安國鑒賞口  
齋張鏐一重安儀周家珍藏心賞兩山道人安  
氏儀周書畫之章毛氏珍藏圖書毛九疇印  
景父項氏韞積圖書印曹溶之印紀勳董其  
昌印宣和政和一重建炎紹興通英殿寶御府  
之印傳世墨寶印牛埋輪之後項元汴印一重

項墨林父秘笈之印墨林子墨林秘玩元泰

寶藏一重京兆宇文公諒子貞章退密真賞印

蘇齋墨緣檇李項氏士家寶玩半印五圖書

圖書印父印黃氏哲東餘印不可辨

謹案陸雲寒蟬賦原文有序今作并序則其  
信也則今作即加以冠冕今脫以字則其容  
也今作取其容負材所勤今作賢才所不空  
歎竊有感焉竊今作切近嘉時而游征而今  
作以吐呻嗟之哀聲爭嗟今作呻嶢有蟬集  
止有今作爰輕羽莎他莎他今作涉池附高  
松之上華上今作二飄如飛鴻之遺驚風今  
作點如飛燕之遺驚風吸朝華之瑩露今脫

吸朝二字彰淵信以嚴時以今作於栗清誠  
於自然於今作乎豈黃鳥之敢希今希字上  
多一附字景秋華之方零景今作哀天上其  
涼天上今作上天志高於鳴鳴鳴今作鳴  
鳩倚瓊枝之迴條倚今作何迴條今作迴條  
哀北風之飄飄今脫一飄字暉暉華豐今脫  
煨字綴以元冕今脫爾乃綴以空冕纓綖多  
紛綖今作綴執龍淵龍今作禮飾黃廬之  
士飾今作袞光帝皇之侍人侍今作侍儀  
像於雲間今騰字上多既字吳興人至順  
聞今作陽字今騰字上多既字吳興人至順  
年進士官江浙儒學提舉致見續編



元人禱書一卷

本幅紙本六幅第一幅縱九寸六分橫一尺六寸三分草書康里巖頓首再拜彥中管賢友足下十二月十二日金子振宣使至得教字深荷遠懷之至中間見誨實是下心然亦自有公論也於此足見足下篤於吾衆弟至深不肖惟多馳感耳不知來春可果至都否付下綦枰帽等皆已領此時請家兄使想已

達。度賢友亦必喜也。此間公私皆望家兄早  
來。開報吾兄知之。文書一節。克明甚是用心。  
緣不肖小女病四五十日。竟至逝去。不勝悲  
寡。奈何奈何。四十五下十字旁注及身常有微恙。不曾  
與克明相見。近月半日來方出。當與彼論之。  
後便奉報。末由奉見。願盡珍重理。今因人便。  
草草不宣。康里巖頓首拜。十二月十四日書。  
諸般雜色素箋及建連。付來些小為禱。銀朱

亦望惠數兩。欲為印色。此中者不可故也。諸般

下三十三字。彥中賢友足下。康里巎謹封。一十

雙行夾注。字原藏。康里巎謹。鈐印二。巎印一。不可辨。半俱

封五字文不全。印。第二幅。縱一尺一寸。橫一尺四寸七分。行

書。水龍吟。鴻溝定約東歸。又誰遣赤龍迴指。

青娥舞罷。重瞳飲泣。斷腸聲裏。半壁酸風。風字

旁注。兩涯寒月。古今興廢。眇烏江滿眼。驚濤卷

雪。分明總是英雄泪。木末招招舟子。載何人

斷烟流水。平沙盡處。青山數點。江東千里。長  
嘯風前。無人會我登臨此意。但黃蘆古木。夕  
陽四照。有漁哥起。楊中宏第三幅。縱一尺五  
分。橫一尺八寸六分。行書。馳頓首再拜義齋  
康訪相公閣下。馳憶向年參陪。幸甚傾倒。既  
而康車踰嶺。遂成遠別。思嚮深長。不肖作吏  
江濱。乃距里第三舍而近。去年服役入京。及  
歸。則聞使事言還矣。欲往愈難。下懷當復奈



何親題寵逮特惠妙墨佳紙及南海志竊獲  
觀山川風土之要。人物文章之多。茲遊奇絕。  
若與公周旋其間。亦以見公遡古沿今。備盡  
撫臨之道。夫豈徒勞州縣如馳者比。仕以行  
志。不勝仰羨。悄悄東望。晤語何時。示喻田事。  
同僚共承台意。督令勾喚買主推收。事完專  
當詳報人回。刊酬草略。悉倚嗣音。近作二篇。  
錄求是正。首夏將暑。尚惟順序珍。以迎大

用。不宣備。周馳頓首再拜。第四幅。縱九寸六分。橫二尺八分。行書。素楠頓首再拜謹呈承旨大參相公鈞席。比者伏聞元老晉召。王度聿新。不肖雖因悴海濱。實竊慶闕一字。輒從鄧善之郵便。僭具牋記。以叙闕三字。未幾善之同杭。迺知相公以直言讜論。拂衣東歸。天下善類。莫不沮色。篋首以望。登庸之真。側聆安車趣徵。雖以道自樂。出處進退。一不以介意。

然時不可再。事不偶然者。相公當有以處此  
矣。即辰秋氣益清。伏惟天人。棊扶鈞履。倍福。  
楠不學無取。誤尋獎錄。善之備道。憐愛之篤。  
勉焉於州縣俯仰。良非所長。或者事機之來。  
得辱甄拔。為門下走吏。使之操筆執簡。鋪張  
文明之盛。當不至上負知遇。區區之私。紙盡  
而情愈長。惟相公矜念焉。不腆之文。一編上  
涸觀覽。伏祈為國隆重。益綏壽祉。不備。門學

生袁桷謹呈。第五幅。縱一尺一寸二分。橫三  
尺一寸二分。行書。至順初。集奉詔撰蔣山寺  
碑。且命之書。文成。進入御前。頗有更定。本遂  
留中。集蓋不知未付外也。三年夏。扈從上都。  
上問久不立碑之故。始知其文猶留閣下。亟  
取以授尚書王公。未幾鼎閣一室天墜矣。集乃  
識其後云。此本經御覽者。明年。集以老病去  
國。不及書。元統甲戌二月。蔣山主人始遣一

公藏主來臨川山中求書。集目力愈困。已不復能執筆。感遇興懷。勉強作字。以復蔣山。殊恐不中也。藏主歸欲贈言。因隨賦數句如下云。昔禮岩中諾。詎羅願杳猶在石盤陀。上人幾歲離金雁。海月江雲弄碧波。一公漢州人。故宋時。集先世多嘗守漢。最後曾開二開國守郡。禱於尊者。得祕監叔祖小字曰漢。實開二開國字。今百一十年矣。延祐丙辰。集過金鴈。欲禮

諾公。以王事不果留。今亦廿年矣。優鉢曇華

一度開。梵天帝釋手拈來。人間讚歎那能盡。

慚愧文殊大辯才。奉寄曇芳笈。隱二公。八字雙行

注。文成進入金鑒殿。開一字。幸親承點定餘小

草。幾年懷宿雨。不辭拙筆不中書。開三字。時春

雨多。鍾山歸已及清和。若有鄉字。開四字。廬山江

上一漁蓑。仙井虞集。開四字。少塵事。思公昔共

兩青藜。開三字。三人相憶否。風雨扁舟覓舊題。寄

吳郡郭開元光公鄉友。鈴印二。青城山樵者。  
虞集第六幅。縱八寸三分。橫三尺四寸。行草。  
書。晴松落字開一疎如雨。南風吹綠。春天樹樹。  
前開。徧萑萑華。池上露涼。渾欲語。道人觀化。  
無方所。塵世茫茫。廣岐路。笑看草木。歲時香。  
俱逐游塵。何處去。尋華摘葉。情如許。公子歸。  
來與師遇。蕭蕭茆屋。畫為圖。是故標師之出。  
處。紅衣落盡。蓮滿房。碧藕留絲。終幻住。至正。

廿五年乙巳十月一日。遇幻住出此卷。乃知  
中峯與松雪一合相耳。雖然。峯亦留此戲後  
人也。住幻居幻。又造境幻。又使人畫像幻。今  
日復使我作幻語。峯願力耶。抑遣下則劇耶。  
當問菴主人。華蓋峯浮邱先生童子紫元洞  
樵饒介信手識之。

引首

元諸老遺墨款。翠渠鈐印。一周璫。



鑒藏寶壘

五壘

寶笈三編

收傳印記

漫堂珍賞

二重牧仲

二重陳以御

陳定

書印无恙

左作鶴形

商邱審定

印半口壽

印半

卞氏令

之連以御鑒

印半

商邱審定鑒藏

二重青笠綠蓑

齋藏寄傲口賞

印半

樵李

子京所藏

平生真賞

退密子孫永保

項墨林鑑賞章

天籟閣

項元

汴印項子京家珍藏

墨林

印半

謹案楊仲宏名載滿城人後徙杭以布衣召為翰林國史院編修宣統初登進士第歷

遷寧國路總管府推官。袁楠，字伯長，自號清容居士。慶元人。舉茂才異等。歷官翰林直學士。知制誥。贈江浙等處行中書省參知政事。諡文清。元史皆有傳。義齋陸壺號壺字仁重。江陰人。大德中。任廣東道肅政廉訪使。饒介。字介之。臨川人。元末。翰林供奉。仕張氏為淮南行省參政。俱攷見續編。釋一公。漢州人。釋大新。蒲室集有一公將歸蜀詩。

何澄畫陶潛歸去來辭張仲壽書一卷

本幅紙本縱一尺二寸七分橫二丈二尺水

墨畫陶潛歸去來辭圖款太中大夫何秘監

筆接幅張仲壽書歸去來兮辭并序

文不款錄

至大己酉夏疇齋書鈴印三疇齋自怡叟青

箬綠菴

後幅題跋

疇齋之書出李北海而韻勝過之其云於歸

去來辭。每為人書。是公不言。人亦自知何也。  
以疇名齋。已取農人告仲春語矣。至大己酉。  
姚燧觀於神州寓舍。鈐印一。口不生口。圖。  
畫總管燕人何澄。年九十作此卷。人物樹石。  
一一皆有趣。京師甚愛重其跡。又得承旨張。  
公書淵明歸去來於后。遂成二絕。延祐乙卯。  
九月七日。吳興趙孟頫書。鈐印一。趙子昂氏。  
昔賢出處皆真。不為矯情。觀淵明歸去來。

叙引可見。疇齋承旨。意書此以遺人。其亦有  
感也夫。至大己酉八月一日。古涪鄧文原書。  
鈴印一。巴西鄧氏善之。京師人貴重何翁  
畫。當其在時。每一卷出。不惜千金爭售之。官  
昭文館大學士。年九十餘而終。其畫益貴。數  
倍張疇齋。自尊異其書。多藏古帖。親見前朝  
內府故事所用研墨紙筆。一一上品如法。乃  
書也。官翰林學士承旨。年幾八十而終。姚牧

菴先生意氣魁岸而樂道人善吳興趙松雪  
公鑒裁精嚴而不與物忤今皆不可復見獨  
鄧祭酒歸然書翰之美今惟此耳可不慨然  
泰定乙丑二月既望虞集書鈐印一虞集伯  
生父疇齋題辭復謂東坡先生嘗集歸去  
來辭意作五言詩十首殊不知坡翁和陶詩  
外亦有和歸去來兮一篇及子由謫居海康  
時子瞻以和辭要穎濱同賦且謂淵明之放

與子瞻之辯。非人所及。坡翁追和時。乃謫居  
昌化所作也。蓋以無何有之鄉為家。雖在海  
外。未嘗不歸云爾。今書和篇。與淵明作對。歸  
去來兮。吾方南遷。安得歸卧江海之瀕。洞  
弔鼓角之悽悲。迹泥蟠而愈深。時電往而莫  
追。懷西南之歸路。夢良是而覺非。悟此生之何  
常。猶寒暑之異衣。豈棄裘而念葛。蓋得痛而  
喪微。我歸甚易。匪馳匪奔。俯仰還家。下帷闔

門藩援雖缺堂室故存挹我天醴注之窪罇  
飲月露以洗心殮朝霞而眩顏混客主以為  
一俾婦姑之相安知盜竊之何有乃梧門而  
折闕廓圖鏡以外照納萬象而中觀治廢并  
以晨汲滂百泉之夜還守靜極以自作時爵  
躍而鯢桓歸去來兮請終老於斯游我先人  
之弊廬復捨此而焉求均海南與漠北挈往  
來而無憂畸人告余以一言非八卦與九疇



方飢須糧已濟無舟忽入牛之皆喪。但喬木  
與高丘。驚六用之無成。自一根而反流。望故  
家而永息。曷中道而三休已矣乎。吾生有命  
歸有時。我初無行亦無留。駕言隨子聽所之。  
豈以師南華而廢從安。期謂湯稼之終枯。遂  
不溉而不耘。師淵明之雅放。和百篇之清詩。  
賦歸去來之新引。我其後身蓋無疑。已酉中  
秋日。南岳老人菊里劉必大拜手謹書。鈴印。

一。菊里。右淵明歸去來圖及辭一卷。乃何  
昭文畫。張承旨書。何昭文畫。在當時極為人  
所愛重。至今京師之人。猶然張承旨書。自謂  
當與趙吳興鴈行。然當時求之中貴之中。已  
莫能及。以趙吳興書畫。皆當為天下第一。二  
絕之評。足為此書此畫之重。李士宏平生好  
寫竹臨帖。每作一紙。必自求趙公跋。然後與  
人。政欲託不朽也。況他人哉。因并記于此。至

元二年歲丙子九月廿七日夜揭傒斯跋

靖節樂天知命文章閑雅此其去彭澤之辭也中朝名士圖而書之其亦可尚也夫太元子鈐印二三十代天師太元子何秘監以畫稱於北方張承旨以書自負於當時姚文公趙文敏公尤長者長者豈欺我哉惟有把玩健美不已丹邱柯九思題鈐印三柯氏敬仲蘊真齋濟陽郡圖書印至正二十有

三年。歲在癸卯。十月甲子。國學諭立武起宗。  
張士明。胡益。王章。岳信同觀。十又一月六  
日。辛未。豫章王武聞而來觀於吳長史紹謙。  
發祥里寓舍之學古齋。僕晚至京師。何昭  
文。張中貴皆不及見。得睹其翰墨遺跡於五  
十餘年之後。為之欣幸。何敢置評議於其間。  
哉。至正廿四年八月甲寅。臨川危素識。國子  
博士武君孝隆同觀。歸去來圖作者極多。

惟何秘監此作。取舍萬殊。動定不一。非他所  
可比者。因嘆異之。遂成一絕云。彭澤休官未  
足奇。文章千載去來辭。寄奴橫劍清夷夏。惟  
有陶潛醉不知。行口吳勉題鈴印。三番君世  
裔。吳勉仲思。何秘監澄園繪寶鑑中不載  
其人。九靈山人戴良集中有題何監丞畫山  
水歌云。至正以來畫山水。秘監何侯擅其美。  
帝御宣文數召見。抽毫幾動天顏喜。又云海

內畫工亦無數才似何侯豈多遇權門貴戚  
虛左迎往往高堂起烟霧今以卷內諸君跋  
語證之即其人也。圖繪寶鑑前後錯亂遺失  
頗多如朱晦翁集中有題祝生畫長句云問  
君何處得此奇。和璧隋珠未為敵。答云衢州  
老祝翁。冒次自有陰陽工。又有觀祝孝友畫  
卷二斷句云。天邊雲繞山。江上烟迷樹。不向  
曉來看。詎知重疊數。草閣臨無地。江空秋月

寒亦知奇絕景。未必要人看。又有祝孝友作  
枕屏小景。以霜餘茂樹名之。因題此詩。祝生  
何人致煩晦翁吟咏。至再至三。則其畫必佳  
矣。攷之圖繪寶鑑。南宋無祝姓者。此書之不  
足據可知。因跋何秘監歸莊圖。并記之。康熙  
三十年辛未暮春之望。書於江邨草堂抱瓮  
翁高士奇鈐印二。高士奇印。澹人。此圖向  
付山荆收藏。今日偶自樓中檢出。不覺慨歎。

康熙甲戌二月九日春陰微寒簡靜齋陶瓶  
初插木瓜海棠一枝單居借以聊遣耳江村  
士奇 余叔家藏唐六如先生歸去來辭圖  
筆意蕭爽無人間烟火氣康熙癸巳仲夏礪  
山舅出示此卷覺六如卷遜一籌矣靖節高  
風披圖想像宛在今日往余有絕句云百花  
老去紅辭樹衆草新濃綠滿床只有淵明詩  
一卷引人清夢到羲皇今觀此畫意亦不在



無懷葛天後也。董思翁當炎暑便染翰寫雪  
賦。謂頓令心地清涼。余謂此卷極合在京洛  
塵室中觀張照鈐印。二張照之印。涇南。乾  
隆五十五年。歲次庚戌。十一月九日。與江寧  
張復純如。臯喬林子昱。陽湖蔣齊耀。旌德劉  
賢。太倉畢瀧同觀於吳趨經訓堂中。丹徒王  
文治鈐印。二王氏尚卿夢樓。

鑒藏寶璽

五璽

寶笈三編


收傳印記北野。二。重江邨秘藏。一。重高士奇圖書

記。一。重高士奇。四。重竹窓。一。重疇齋。五。重麝香齋。朗潤

堂印澹人畢瀧審定抱瓮翁

謹案何濬燕人。元世祖時圖畫提管。官至昭  
文殿大學士。已分詳各跋中。張仲壽字希靜  
號疇齋。錢唐人。官翰林學士。承旨。危素字太  
模。金溪人。仕元至翰林學士。明初授侍講學  
士。戴良字叔能。至正中淮南江西北儒學提舉  
以上三人俱考見續編。姚燧字端甫。號牧菴。  
柳城人。武宗時為翰林學士承旨。諡曰文元。  
史有傳。太元子。名張嗣成。善草書。胡益字士  
弓。都陽人。官參知政事。並見書史會要。王武  
豫章人。至正間為翰林國史院編修。見四朝

詩姓名考



倪瓚黃公望合筆山水 一卷

本幅紙本。縱七寸三分，橫一丈一尺六寸五分。水墨畫雲岫疎林、烟村漁浦。分題余與仲璚、遜跡憂時、乘興為寫疎樹一林，既而抱疴懶甚，經年未成。適子久過訪，強其代之。淡句而就，邱壑迷深，風標秀絕。余安能及其萬一哉！且以督屢約屢失期，云璚余畫安能配東海珠玉在前，覺我形穢。仲璚一見，能免續貂。

之嗤耶。至正壬寅九月廿六日。大癡學人。

後幅題跋。

王山公。予七代祖也。公識高而學廣。知元季將亂。遂隱不仕。結廬玉峯下。故號玉山主人。精心內典。時夢金粟如來。故更號金粟道人。公素饒於貲。而不屑為封殖計。惟收貯古玩鼎彝。法書名畫。日與當世名流品題觴咏。為樂。一若會稽楊維禎。匡廬于立。句曲張雨。

永嘉李孝先。梁谿倪瓚。淮南張渥。虞山黃公望。苔溪鄭韶。天台陳基。皆與之游。此卷乃倪黃二公合作。以贈公者也。公之末年。遭罹兵燹。圖書散軼。而此卷獨幸無恙。公子元臣。公而後。世世什襲。以為家珍。傳至予叔祖竹坡公。不意為一權貴所知。挾威以索。竹坡公不得已。與之後。權貴者以賄賂。而此卷流落東陽。歸於張氏。東陽叔和沈子予門人也。見之。

為予道其事。予追憶先君子嘗言及此。不勝  
痛惜。因不靳厚價購歸。語云。挈瓶之智。不失  
守器。此非予家守器耶。失而後得。予亦猶夫  
挈瓶之智而已。但聞曩時鐵崖陶菴輩。皆有  
題咏。今竟無有。豈當時即散軼耶。抑為權貴  
者所割裂耶。平津劔合。未知在何日也。時萬  
歷戊戌秋九月既望。喬孫天竣敬識。鈴印二。  
顧天竣翰林國史修撰私印。



鑒藏寶璽

全五璽

寶笈三編

收傳印記廣堪齋畢氏藏太原王藻儒氏收  
藏圖書畢沅審定重秋颺珍賞重西齋生梅  
花菴書畫印太原王氏珍藏王挾藻儒西田  
吳氏珍藏重畢沅寶藏畢瀧鑑賞重口氏珍  
賞珍魯頻菴珍翫

謹案顧天堦字升伯崑山人萬歷壬辰賜進  
士第三歷官左諭德險詖無行為崑黨之首  
事見明文

[illegible]

陸居仁楊維禎書

一卷

本幅紙本縱一尺八分橫二尺二寸五分草書古者書志凡嘉言善行聞見必錄故經傳皆曰志莫非修齊平治具非徒夸多識資譚柄是尚其不經者若齊諧志怪之類反以資惑聖人無取後世無傳焉魏晉而下其膾炙人口如世說者亦純駁相半務博者多資之然去經傳遠矣近世唯宋代特盛客譚筆錄

何啻數百家。若近思典要厚德諸錄。雖未敢  
儕諸經傳。然厚倫美俗。亦足為風化助。彼夷  
堅酉陽無稽浮誕。適足蠱愚導姦。則又甚於  
齊諧者。以是觀之。志錄可苟作乎。宗人景周  
博學好古。聞善必錄。皆使言者自書其事。大  
率皆當代賢士大夫嘉言善行。將以為修省  
資。志亦善矣。然善可法。惡可戒。與否則在客  
之見。與景周之自擇。至正甲辰立夏日雲間。

陸居仁在干山環翠樓書鈐印四。陸氏居仁  
陸氏宅之靜壽山。雲間接幅縱八寸一分。  
橫四尺三寸八分。行草書三雲所志。有詩。吾  
聞茅山高士有三雲者。蓋本外兵子答詔問  
以雲而山中白雲。遂為後人傳道宗印而不  
在白玉兔也。其曰卧雲者。廼陳煉師宗儉號  
一榻之所也。師之卧雲。雖接外兵之所自怡。  
而白雲先生實為一榻之祖也。鐵史過其所。

師持論曰吾家白雲先生其才其氣可以有天下而不有也亥人一出先生之卧始甘熟矣人以白雲先生為渴睡漢物可乎不可也鐵史識之幸有以志吾所非志外兵之得已志吾祖氏之不得已者也鐵史韙其言錄於其所繫之以詩曰我懷扶搖子高卧白雲窟庚人龍已興先生睡方兀至今有耳孫虬髯帶仙骨學道大茅山枕外無長物尚夢一片

雲爐熏共飄忽。雲兮素無心。嶺頭自出沒。夜  
膽夾馬營。佳氣尚鬱勃。且袖驢背手。往挂西  
山笈。至正壬寅二月廿日。東維叟在挹翠堂  
試劉士先經貢墨書。鈐印四。李黼榜第二甲  
進士廉夫。鐵遂道人。清白傳家。

後幅題跋。

楊維禎字廉夫。會稽人。泰定丁卯用春秋擢  
進士第。署天台尹。改錢清場鹽司令。狷直忤

物久之陞江西儒學提舉兵亂避地富春山  
徙錢唐張士誠招之不往築圃於松江之上  
海薦紳大夫才俊之士造門納履無虛日酒  
酣以往筆墨橫飛或戴華陽巾披鶴氅坐船  
屋上吹鐵篴或呼侍兒歌白雪之辭自倚鳳  
琶和之以為神仙中人也洪武屢召不赴作  
老婦詞一首以進賜安車詣闕留百二十日  
史統定以白衣乞骸骨史館曹監之士祖帳



西門歸撰安衍歸全堂記擲筆而逝所著書

凡數百卷具在宋太史墓誌中張伯雨序其

樂府陸居仁字宅之華亭人以詩經中泰

定丙寅鄉試隱居教授自號雲松野褐與楊

廉夫錢思復游遂同葬于山東麓號三高士

墓余近收元人字蹟存者漸少去冬王儼

齋大司空自京師寄此存余姻家處沈閣經

年昨始寄至寒窗雪後可供數日把玩并記

於後二字卷尾康熙壬午嘉平十五日書於

簡靜齋江村高士奇鈐印三高士奇澹人少

宗伯

鑒藏寶璽

五璽寶笈三編

收傳印記念雲堂澹人華亭侯文間裏工夫

澹中樂味高氏清吟堂鑒藏書畫重耗北心

遺餘年不以三公易此日畢瀧曾觀

謹案陸居仁字宅之華亭人考見續編並各跋中

元人合筆陶九成竹居圖詩畫一卷

本幅紙本十二幅。第一幅縱七寸五分橫二尺八分。水墨畫竹居圖。溪山亭屋。萬个篋當。無款。鈐印一。嘉興吳鎮仲圭書畫記。第二幅縱同前。橫一尺八寸二分。行書。吳楚東南氣候清。此君貞節范長生。月中忽見雲留影。雨外不聞風作聲。老鶴夜寒驚露下。蟄龍春暖聽雷行。去年記得遙邇上。萬葉一秋天地輕。

天蟾子。無印。小橋流水路紫紆。竹裏茅茨是  
隱居。慷慨不同時俗輩。清高多讀古人書。好  
山入坐情無限。明月穿簾興有餘。我亦山陰  
舊谿曲。一庭瀟灑政相如。王冕題於西湖之  
巢居閣。庚寅秋七月朔日也。無印。第三幅。縱  
橫各七寸五分。行書。長揖上官歸舊廬。此君  
無恙碧窗虛。平生詩瘦寧無肉。終日神清為  
讀書。秦地沃饒稱陸海。晉人曠達愛林居。遠

遊一一觀殊勝。雪後山陰。恐不如曲江錢惟  
善。無印第四幅。縱橫同前。行書。萬竹連雲。着  
此身。下開三徑。四無鄰。深居自有閑風月。不  
用敲門問主人。汪澤民叔志鈐印二。汪氏叔  
志。天禧光祿五世孫。第五幅。縱橫同前。行書。  
濛濛烟雨篋簞谷。中有詩人結節屋。春風一  
徑入疎籬。新綠亭亭森萬玉。平生我亦王子  
猷。何當卜築依林邱。此君風致政不俗。莫說

渭川千戶侯。延平曹道振。鈴印三道振。伯大  
思誠齋第六幅。縱七寸六分。橫八寸一分。行  
書。君家元愛菊。却向竹間居。蒼雪飄雲外。綠  
烟生雨餘。一庭交翠草。萬卷殺青書。我欲賦  
淇澳。清風還穆如。錢唐應才。鈴印一。應氏之  
印。溪上林深處。士家叅差十畝翠。成霞書聲  
夜夜三更月。鶴夢驚迴石徑斜。蔣堂無印。第  
七幅。縱七寸二分。橫七寸八分。楷書。地仙居

處萬竿齊。四面青山水一谿。畢竟此君高節  
在。露梢留得鳳凰棲。王漸元翰無印。蕭蕭竹  
裏屋三楹。流水當門淨復明。橋外風清無俗  
駕。林間月落有書聲。翠旄團影瑤琴潤。粉節  
飛香石几橫。我欲從君謝塵鞅。結廬松下過  
餘生。衛仁近再拜。無印第八幅。縱同前。橫六  
寸八分。行楷書。溪上人家愛此君。森然蒼玉  
伴閑身。不知門外東流水。但見青山似故人。

天台陶凱謹題。鈐印二。陶凱陶中立氏一榻。  
清風滿架書。烟梢露葉野人居。從教蒼玉堪。  
棲鳳。未擬逃名與世疎。北平李德元。鈐印一。  
李景先氏。第九幅。縱七寸八分。橫二尺一寸。  
五分。畫墨竹一枝。自題。天台陶九成來遊醉。  
李。一日會余精嚴僧舍。因出竹居詩軸相示。  
索寫墨竹一枝以娛。遂書松雪詩云。我亦有。  
亭深竹裏。也宜歸去聽秋聲。至正九年冬十。



一月望日。時李景先同發一笑。梅花道人戲  
墨也。鈴印二。楮花盒。嘉興吳鎮仲圭書畫記。  
第十幅。縱七尺三分。橫一尺四分。自題。野竹  
絕可愛。枝葉扶疎有真態。生平素守遠荆榛。  
走壁懸崖穿石罅。虛心抱節山之阿。清風白  
雨聊婆娑。渭川淇澳風烟多。梅花道人戲墨。  
為九成作野竹居。至正己丑冬十一月望。梅  
花道人再書也。鈴印一。楮花盒。第十一幅。縱

七寸一分。橫七寸六分。楷書跋。南村陶九成  
先生竹居詩一卷。皆元季文雄詩伯名筆書  
畫。今雖片楮行墨。猶不易得。而況萃會於此  
乎。里彥劉汝深。蚤游先生之子南紀門。慮其  
失守而屬之一展觀。則先朝遺老。南村雅望。  
如可想覩。而挹其清風已。豈不快人目之所  
未覩哉。向使不屬有知。則為風雨蟲鼠之所  
毀敗。而淪覆甑也久矣。惡能什襲秘寶而藏

之乎。是亦南村之一幸也。耶。成化丙申。海人  
黃瑾跋鈴印三。養性山谷後人。文美。第十二  
幅。縱七寸六分。橫七寸五分。小行楷書。吾鄉  
梅花衲。畫竹如箭。藁。但留烟雨叢。不必定娟  
好。一叟南村來。林泉互幽討。為寫徑尺圖。籬  
落皆意造。兩書至正年。其體近章草。題句十  
一翁。一一盡遺老。我友澁湖滑。竹居等鄰保。  
真蹟儲篋中。啟示藉文縑。孟夏風始薰。新篁

小亭抱。仿佛秋聲聞。可以除熱惱。

道人迷松雪詩有歸

聽秋聲之句故及之康熙庚辰四月。過雅山書屋。書崖

長兄出梅花道人竹居圖見示。漫題十韻於後。竹垞朱彞尊。時年七十有二。鈐印三。彞尊。史官。

引首

竹居

畫款仲穆。鈐印一。仲穆。

題籤

陶南村竹居詩畫承雅堂珍藏計十幅後八字旁

法鈴印三陳氏家藏書崖珍秘半碧山堂鑒

定書畫印

鑒藏寶璽五璽寶笈三編

收傳印記新安陳氏家藏之章陳氏家藏重

觀止世家印書崖珍秘重陳生半印新安陳

氏半印天都墨舞家藏之章以上俱

謹案陶九成名宗儀黃巖人趙雍之甥舉進士不中即棄去傲居松江今泗涇尚有南村

草堂遺址。倪元鎮王叔明皆嘗為之圖。汪澤  
民字叔志。婺源人。延祐戊午進士。歷官禮部  
尚書。謚文節。致見續編。應才字之紹。錢唐人。  
以鄉貢任嘉興學正。見輟耕錄。蔣堂字子中。  
吳縣人。泰定丙寅鄉薦。至正間。官嘉定州學  
教授。見蘇州府志。王漸字元翰。江右人。與柳  
貫相善。見元詩選。小傳。衛仁近字叔剛。華亭  
人。見松江府志。陶慎字中立。天台人。至正丁  
亥鄉薦。洪武初召修元史。歷官禮部尚書。以  
叅政致仕。見明詩綜。小傳。李德元字景先。自  
題北平人。陳基集有送李景先錄判詩。引首  
所題仲穆趙雍字也。